

KE ENG SEO KA SEATLENG SA GAGO?



(Ke a go leboga ka botho kudu, ngwanešu. A ye e swanetše go ba kgare ya ka? Ke a go leboga.)

² Mantšiboa a mabotse, bagwera. Ke thabile go ba mo bošegong bjo le go thaba kudu gore bohle re kgona go ba ntle. Go lebogeng Morena wa go loka bakeng sa ditirelo tša Gagwe tše botsebotse bošegong bja go feta. Go kwa . . . Ke lekga la mathomo leo ke bilego le sebakabotse go tsena magareng ga batho go—go ba rerela ka mokgwa woo lebaka la nako ye telele le go ba direla.

³ Gomme mantšiboa a go feta, ge ke eya ntle, mošemane o rile go nna, o rile, ga ba rate go nna go ba le mohuta woo wa kopano go ya tlase go bea diatla godimo ga batho; ba no nagana mohlomongwe . . . Ba rile ge e bitšwa go tšwa sefaleng ka mehla ke diphesente tše leggolo. Gomme o rile, “O no tšea lentšu la batho go yona, nako yeo.”

Ke rile, “Gabotse, ba ne tumelo, ba a dumela.”

⁴ Gomme ge ke be ke sepela tlase magareng ga ditulo tša bagolofadi, ke naganne e be e le Billy a sepela pele ga ka. Gomme ke diregile go retologela ka mathoko go lebelela: e be e se Billy, e be e le Yena. Gomme ka gona ge ke fihla morago godimo, nako yeo Morena a thoma go profeta, gomme a re, “Go tla ba ba bangwe ka go setulo sa bagolofadi bao ba tla sepelago go kgabola batheeletši; ba bangwe ba ya ntle.”

Mošemane o rile, “A seo se tla direga?”

⁵ Ke rile, “O no šetša le go bona.” Gomme fale bošegong bja go feta . . . Yeo ke nnete. Bao ke batho ba bahlano ba go golofala go tšwa ditulong tša bagolofadi beke ye. Seo ke se sebotsebotse se Morena wa rena a se dirago. Ke a dumela O tla ya bogolo. . . go feta fao bošegong bjo, a ga le nagane bjalo? Re a dumela gore O tla dira.

⁶ Bjale, gosasa bošego, go beng go tswalela ga tirelo ye . . . O bile go loka kudu go rena, le go tšwela ntle le go dula ka bosong ge go be go fodile le go na. Gomme le bile kudu, bose kudu, gomme ka mehla re tla le gopola. Gomme ke bile le mohuta wa go katana go gonnyane woo . . . Lena . . . Selo se sebotse le be le le bose, gobane ga se setlwaedi gore ke bolele le batho ka mokgwa wo goba go rera, gomme morago go dira dipitšo tša aletara le go ya pele.

⁷ Ngwanešu Moore ka lebaka tsoko ga se a bonagala, gomme Ngwanešu Arganbright ga se a bonagala, eupša Ngwanešu Thom

go tšwa Afrika Borwa, šegofatša pelo ya gagwe, o be a le felotsoko mo, ke mo kwele a re, "Amene," lebakana la go feta. Šo o tla morago. Gomme seo e bile . . .

⁸ Seo se be se ka se direge go ba mošemane yo monnyane yo a bego a bitšwa William Branham? Gabotse, nna. Lekga la mathomo ke go bone, morwa. O mošemane yo mokaone. Ke letetše go go bona godimo ntlong ya ka gabotse ka pela bjale. O a bona? Gabotse, seo se kaone ka maatla. Ke a tseba bohle le ipshina ka polelo ya Ngwanešu Thom. Go molaleng o tla ba kerekeng tsoko mo gosasa.

⁹ Ngwanešu Beeler a dutšego fa, ka kgonagalo o tla be a rera felotsoko mo mosong le yena. Bašemane ba bangwe mo, ke a thanka ba lokologane bakeng sa dikereke tsoko.

¹⁰ Bjale, lena ba le lego mo le ka tirelong, baeng le rena, gobaneng, o—o hwetša kereke tsoko ye botse le go ya kerekeng mo mosong. Badiredi bohle ba mo, ba emela dikereke tše tša Ebangedi ya go tlala tikologong ka Atla- . . . , goba, Macon mo. Gomme ba tla thaba go ba le lena ka kerekeng ya bona.

¹¹ Gomme ebile ga ka kopana le e ka ba ofe wa banešu eupša Ngwanešu Palmer yo monnyane mo. Nka no ba ke šikintše diatla tše mmalwa tša baena. Eupša ge bohle ba le boka Ngwanešu Palmer, ke batho ba bakaone, ke le botša seo, ka kgonthe ke ba bakaone, feela baena ba bakaone.

¹² Gomme bjale, re a holofela gore gosasa go ne ditirelo tše botse gohle go kgabola . . . go kgabola naga. Ema lefelong la gago la mošomo gosasa; bjale, gosasa mosong eya sekolong sa Lamorena. Gomme a re boneng, ke a thanka gosasa morago ga sekgalela ditirelo di fa. (A yeo ke nnete? Gosasa morago ga sekgalela? Gosasa bošego? Gabotse, ba e fetotše go fihla . . .) Gona tirelo . . . (Le šetše le e tsebišitše, ke a thanka? Go lokile.) Ditirelo di fa gosasa bošego. Go lokile. Bjale, Morena a šegofatšwe ke thapelo ya rena ya tlhokofalo.

Bjale, bakeng sa thuto go no nagantšhiša lebakana le lennyane. Gomme re nyaka go bolela gape: re leboga morategi Morena gagolo kudu go tšohle A di dirilego.

¹³ Bjale, ke a dumela gore feela ka go kopano e ka ba efe ya Amerika lebaka la matsatši a mantši a, ka go beng batho ba bahlano ba go golofala ba thakgafadišwe ka kopanong e tee, ke a dumela e no ba e ka ba—e kgolo bjalo ka ge Morena a re diretše ngwaga wo ka moka. Gomme bjale, ka Afrika, goba tše dingwe tša dinaga tše dingwe, ka India, goba se sengwe ka mokgwa woo, go a fapana. Eupša fa ka Amerika, gobane go ne ditirelo tše dintši di yago go kgabola, le selo se tee, ga re tsoge ra dula mašego a lesome, re no ba ka mehla fale e ka ba kae go tloga go mašego a mararo go ya go a mahlano gomme morago ra ya. Kafao ke no bolela seo, go seo, le ka bona le go tseba gore ke a dumela le na le tumelo ye kgolo, gomme ke thabile kudu.

14 Bontši bja batho ba rile ba be ba paka. Ngwanešu Wood le bona ba be ba mpotša lehono ka batho ba paka, ka mehuta yohle ya malwetši le se sengwe le se sengwe, ba fodišitšwe. Gomme ba bantši ka mpetianeng, ga ke dumele re na le eupša mpetiana wo motee mo bošegong bjo. Modimo o nno tloša ditaba tša mpetiana le se sengwe le se sengwe. A seo ga se makatše?

15 E re, gomme gale, mantšiboeng a go feta, ge ke etla sefaleng, ka yo mongwe wa ba mathomo a tlilego godimo e be e le ta—ta taba ya go šokiša. Ke hlokomela mašego a se makae a go feta mohumagadi a dutšego ka lesea le lennyane la hlogomeetse, gomme seo ga se selo se ka dirwago bakeng sa seo ka tsetla ya dinyakišišo tša dihlare, go na le bakeng sa diphatišišo tša saense go thuša baisa ba bannyane. Ba no hloka thušo ka go felela. Gomme mme yo monnyane wa go šokiša o ne kgahlego kudu, a rwele moisa yo monnyane bošego morago ga bošego, gomme a lla. Ke tšwetšepele go lebelela godimo ga selo se sennyane, gomme ke kgonne go bona se bothata bo bilego. Gomme makga a mantši dipono di a bolela; e bile ga ke bolele selo ka yona.

16 Moisa o nno mpitša mo mogaleng feela dinakwana di se kae tša go feta, gomme ke kopane le yena ka re—re restoranteng bošegong bjo bongwe, gomme fao Morena o mpoditše se se bego se fošagetše ka yena. O mpileditše godimo, o rile, “O a tseba, ge e sa le o . . . Ke go bone,” o rile, “ke no ba le bokaonana kudu.” Ke mmoditše se se bego se fošagetše ka yena; o nyakile a idibala. O a tseba . . . Gomme kafao o . . . Yeo ke yona. Le no swanela go šetša; le a bona e no ya go direga go le bjalo. Kafao, ga se bontši kudu ge eba ba tseba e ka ba eng ka yona, feela ge le tseba . . . gare . . . gore Modimo o rile go ya go loka. Kafao seo—seo se a e ruma, le a bona. Ga se kgopolo ya gore re nyaka batho ba tsebe, feela ge Modimo a e bolela, gabotse, amene, nno e lesa e ye, gomme ge o nagana tlhohleletšo ye nnyane e tla ba thuša, gona ka mehla o bolela se sengwe.

17 Eupša lesea le lennyane le le tla go kgabaganya sefala, hlogo ye kgolo gagolo ya meetse, le itshamile godimo ga wa go šokiša, yo monnyane, mme wa go lapa. Gomme ge ke beile diatla go ngwana yola, ke bone Seetša sela se dikologa thwi go dikologa hlogo ya ngwana, gomme ke—ke tsebile se sengwe se be se eya go direga. Kafao ke botšišitše mme ge eba o tla tšeela lesea gae. Gomme ke tsebile gore se sengwe se dirigile go lona nako yeo, ge nkabe ke bile le se sengwe go se netefatša go mme. Eupša ke mmoditše, ke rile, “O tšeela lesea gae.” Gomme o be a dula ka ntle ga toropo; ke a dumela E mmoditše, felotsoko, e ka ba dimaele tše lekgolo. O sepela e ka ba dimaele tše makgolopedi ka bošego go tliša lesea.

18 Gomme ge a fihla gae, ke rile, “Bea lenti le lennyane thwi go dikologa hlogo ya lona gomme o ele lenti, gomme morago ripa lenti leo; gomme morago bea lenti thwi go dikologa gape bošego bja go latela, gosasa bošego, gomme ntlšetše seripana

sa lenti go hlogo ya lesea e hunyetše bokaakang.” Ka go masomepe- . . . gomme ye e tla ba e ka ba diiri tše lesomeseswai goba masomepedi, gomme lenti šele e ka ba intšhi le seripa sa lenti, hlogo ya lesea e hunyetše ka go e ka ba diiri tše lesomeseswai. Ke a makala ge eba mme o fa e ka ba kae le lesea bošegong bjo ka . . . Oo o šetše . . . Mme šo o mo. Yeo ke nnete, go lokile. Modimo a go šegofatše, kgaetšedi.

¹⁹ Bjale, lebaka ke dirilego seo, Kgaetšedi, e bile le: gore o ke o hlohleletšege. Ke rapeletše dilo tše dintši tšeo ke—ke—ke sa di hwetšago, eupša ga ke dumele, bjalo ka pele ga Modiri wa rena bošegong bjo, ka tlhokofalo ka mehla, ke kgopetše Modimo e ka ba eng ka tlhokofalo ka mokgwa woo, ntle le ge A mphile yona goba a mpoditše gobaneng A sa kgone. O a bona?

²⁰ Bjale, intšhi yela le seripa sa ye nnyane yela, hlogo ya lesea lela e hunyetše ka go e ka ba diiri tše lesomeseswai goba masomepedi, yeo ke go go hlohleletša. O a bona? Bjale, nno tšwelapele o dumela. O a bona? Bjale, go tla—go tla dira seo lebaka la e ka ba diiri tše masomešupa pedi. Gona o tla lemoga, o tšwelapele o ripa lenti la gago. Go tla ema; go ka no gakala lebakana le lennyane. Ga go kgathale se se diregago, o no tšwelapele o dumela. O a bona? Gomme feela ge o tla boloka tumelo ya gago . . .

²¹ Bjale elelwang, ge moya wa ditšhila o tšwele ka go motho, o sepela mafelong a go omelela gomme wa bowa morago gape le meoya ye mengwe ye šupa ye mebemebe go feta ka fao o bego o le; gomme ge o ka kgona, o tla tsena ka gare le go thopa, gomme seemo se tla befa kudu. Eupša ge monna wa go loka wa ntlo a se gona, e lego tumelo ya gago, go o thibela . . . Nno se o lweše. O tla go lwantšha morago. E no gana; e no o hlokomologa. Yeo ke phetho. E no ya pele. E no re go fedile; seo se e ruma bakeng sa go go ya go ile. Gomme lesea la gago le tla ba gabotse. Bjale, Morena a go šegofatše.

²² Bjale, bošegong bjo . . . ke no rata Lentšu. A ga le rate Lentšu? “Tumelo e tla ka go kwa, gomme go kwa Lentšu.” Ke no nyaka go bala feela sehlogo se sennyane fa bošegong bjo, bakeng sa kgwekgwe ye nnyane, gomme re nyaka go e bala go tšwa go Ekisodo tema ya 4, ge Morena a rata, le go thoma ka temana ya 2. Re tla bala mohlomongwe temana ya 2 gomme mohlomongwe karolo ya ya 3.

Gomme MORENA o rile go yena, Ke eng seo ka seatleng sa gago? Gomme o rile, Lepara.

Gomme o rile, Le lahlele fase. Gomme a le lahlele fase, gomme la fetoga sephente; gomme Moshe a tšhaba go tloga pele ga yona.

Gomme MORENA o rile go Moshe, Bea seatla sa gago pele, gomme o e tšee ka mosela. Gomme o beile seatla sa

gagwe pele, gomme a e swara ka mosela, gomme e be e le lepara ka seatleng sa gagwe:

23 Bjale, a re ka inamiša dihlogo tša rena nakwana feela bakeng sa lentšu la thapelo ge re bolela le Mongwadi wa *Le*, gomme morago ra rapelela disakatuku tše fa?

24 Tate wa rena wa Legodimong wa go loka, re leboga kudu go kgobokana fa gape bošegong bjo ka tlase ga dikhenopi tša lefaufau le, go lebelela godimo Magodimong moo thušo ya rena e tšwago; thušo ya rena e tšwa go Morena. Re thakgetše kudu go tseba gore O a phela le go rena lehono gomme ga se a tlogela kereke ya Gagwe ntle le hlatse ya tsogo ya Gagwe.

25 Gomme re leboga kudu bošegong bjo gore rena, bjalo ka bana ba Israele, re yago go bolela ka bona, ge e le thato ya Gago, mo dinakwaneng di se kae, ka fao ba fetilego ka tlase ga merwalo ya bona, le go lebelela ka go khaskete ya Josefa, gomme ba bone marapo ale a robetše fale, ba tseba gore Modimo o be a tshepišitše ka moprofeta gore letšatši le lengwe ba be ba eya go tšwa. Gomme bošegong bjo bjalo ka sekaiphethegi sa Josefa, Mokgoma wa katlego, Morena Jesu o tsogile go tšwa bahung gomme o a phela bošegong bjo fa magareng ga rena bjalo ka bohlatse Bokgethwa gore letšatši le lengwe re ya ntle, go tšwa lefaseng le la bothata le sebe, le moo Sathane le maatla ohle a gagwe a lego; gomme re tla lokologa go yena go ya go ile.

26 Bjale, Morena, ge re naganišiša ka mantšu a, a nke Moya wo Mokgethwa o tle, o tsene ka go Lentšu, gomme a nke O Le aroganye go pelo ye nngwe le ye nngwe, feela bjalo ka ge re ne tlhoko bošegong bjo. Gomme a nke re bolele, boka bale ba tšwago Emause, ge A ngwathile borotho le go dira se sengwe go fapana gannyane go feta se modiredi wa mehleng a se dirilego ka letšatšing leo. . . O e dirile ka tsela ye Yena a nnoši a kgonneggo go e dira. Gomme, Tate, re a rapela bošegong bjo gore O tla dira se sengwe go tšwa go sa mehleng seo re sa se bonego letšatši le lengwe le le lengwe ka go tirelo ye nngwe le ye nngwe ya bodumedi. Feela gore batho ba ke ba tsebe gore Morena Jesu yola wa go swana o a phela go tšwa bahung bošegong bjo, a sepelela ka gare le go dikologa magareng ga batho, a dira dilo tša go swana A di dirilego nako yela. E fe, Tate.

27 Disakatuku tše tšeo di letšego fa, di emetše ba go šokiša, ba bannyane, bana ba go babja, botate, bomme, batho ba bantši ba robetšego ntle, ba tlaišega, ka baka la malwetši le kgatelelo ya diaboloo. Gomme, Tate, ka diatla di beilwe godimo ga tšona ka thapelo, pelo ya ka yohle, ke a rapela gore O tla nkwa, Morena, le go tseba go loka ga pelo ya ka, ge re kgalemela moya wo mongwe le wo mongwe wa ditšhila, maatla a mangwe le a mangwe a letimone ao a tlemago batho bao disakatuku tše di tla bewago godimo ga bona. Gomme ge disakatuku tše di beilwe godimo ga bona, a nke ba lokologe, Morena, gomme ba ye pele ka tsela

ya bona ba hlalala, gomme Sathane a tlangwe le go lahlelwa leswiswing la ntlentle. E fe, Tate. Re thuše bjale ka karolong ya pele ya tirelo ye, ka gore re e kgopela Leineng la Jesu. Amene.

²⁸ Bjale, ge re akanya feela dinakwana di se kae fa go Lentšu la Morena, ke tšhepa gore yo mongwe le yo mongwe o tla no... Ke tla leka go hlaganela, kafao, ke a tseba phefo e tšutla go fola gannyane le go batho ba go babja, gomme ke tla leka go hlaganela. Gomme mohlomongwe gosasa bošego e tla ba boruyhwana gannyane gomme re tla dula feela boteletšana gannyane.

²⁹ Letšatši le lengwe ke eya ntle ke lebeletše godimo, Mna. Wood le nna re be re otlela go theoga tsela gomme ke bone balemi bale ba go šokiša le lehea la bona le nno tatagana (Ke be ke tlwaetše go lema gannyane, le nna.), le magapu le se sengwe le se sengwe, katune e omelela. Ke ile gae, gomme ke rile, “Morategi Modimo, ke a tseba re na le tirelo ya phatlalatša, eupša hle romela batho bale pula ye nngwe, gobane ka kgonthe ba hloka pula.” Gomme ke nno nagana ka boikemo bja Morena Jesu, ka fao A e dumeletšego e ne go fihla tirelong, go ema ge re be re sa na le tirelo, gomme morago a ba fa go tloroma mo go botse bošego bja go feta; a e tloše bakeng sa bošego bjo. Oo, nna. O makatša bjang. O tseba feela mokgwa wa go e dira, a ga A? Gomme re no Mo rata kudu bakeng sa seo. O no ba le maswanedi a tumišo yohle.

³⁰ Bjale, bošegong bjo, ke nyaka go bolela feela dinakwana di se kae ka thuto ya *Ke Eng Seo Ka Seatleng Sa Gago?*

³¹ Bjale, bo...kgwekgwe ya rena bošegong bjo e šomana le Moshe, monna yo a šomišitšwego ke Modimo, morago, go lokolla bana ba Israele go tšwa ka tlase ga bokgoba bja Egepeta. Gomme batho ba bantši, bošegong bjo, ba Modimo, ba ka tlase ga bokgoba.

³² Ke lebelela go dutše fa, mme le mošemane yo monnyane, go lebega o ka re mohlomongwe maoto a gagwe—a gagwe a mannyane a golofetše goba se sengwe. O robotše kgauswi le mmagwe. Moisa yo monnyane a dutšego fa ka go setulo sa bagolofadi, ngwana yo monnyane, mohlomongwe o bile le pholio goba se sengwe. Leoto la lona le lennyane lohle le tlemagantšwe ka dikota.

³³ Ke hlokometše mosetsana yo moswa a dutšego mo mohumagadi yo monnyane yo mobotse, a no lebega bjalo ka mengwaga ya gagwe ya mahlalagading nako yeo, gomme papa wa go šokiša wa kgale a menekana godimo ka setulong sa bagolofadi, feela ka mokgwa *woo*. Bjo ke bokgoba. Sathane o dirile seo.

³⁴ Ngwanešu wa lekhalate šo o dutše mo. Yo mongwe o dutše kgauswi le yena, o mo swere gomme, goba, kgauswi le yena.

Gomme e nong go lebelela bokgoba bjo Sathane a beilego batho ka go bjona.

³⁵ Gomme Modimo o no ba bjalo ka . . . o le rata feela go swana le ge A ratile Bahebere bale. Gomme ge . . . Modimo o rometše Moshe tlase kua gobane O be a tshepišitše gore O be a tla tla le go ba lokolla go tšwa ditlemong tšela.

³⁶ Gomme Modimo o tshepišitše ka go letšatši le la mafelelo gore O tla romela Jesu Kriste, Moya wo Mokgethwa, magareng ga rena gomme o tla lokolla balwetši bohle le batlaišwa. Ka gore go ngwadilwe, Mantšu a mafelelo ao A a boletšego pele a tlogela lefase le, O rile, “Eyang lena ka lefaseng lohle, rerang Ebangedi go sebopiwa se sengwe le se sengwe.” Bokgole bjo bokae? Lebaka la baapostola? Go lefase lohle; Ebangedi ga se ya be ya fihla lefase lohle bjale. “Eyang ka lefaseng lohle, gomme le rere Ebangedi go sebopiwa se sengwe le se sengwe. Yo a dumelago gomme a kolobetšwa o tla phološwa; gomme yo a sa dumelelo o tla lahlwa. Gomme maswao a a tla latela bona ba ba dumelago; Leineng la Ka ba tla lelekela bodiabolo ntle; ba bolela ka maleme a maswa; ba swara disephente; goba go nwa dilo tše di bolayago di ka se ba gobatše. Ge ba bea diatla tša bona go balwetši, ba tla welwa ke maruru.” Seo ke se Beibele e se boletšego.

³⁷ Jesu, o amogetšwe godimo ka Legodimong; thomo ya mafelelo A kilego a e fa kereke e bile go fodiša balwetši. Thomo ya mathomo A kilego a fa kereke e bile go fodiša balwetši. O kgethile ba Gagwe ba masomešupa le ba Gagwe ba lesomepedi, gomme a ba roma, le go ba fa maatla kgahlanong le meoya ya ditšhila, go lelekela bodiabolo ntle, le go fodiša balwetši, thomo ya mathomo. Thomo ya mafelelo e bile, go ya ka lefaseng lohle le go fodiša balwetši.

³⁸ Go Lengwalo lela, ke a tseba baithutamodimo ba bantši ba le ahlaahlile le go bolela magareng ga bona, gore Mareka 16 moo ke bego ke tsopola go tšwa gona, go tloga go temana ya 9 go ya pele e be e se ya šušumetšwa.

³⁹ E a nkgopotša, ga ke dumele gore phuluphithi ke lefelo le lengwe la metlae gomme ga ke dumele go metlae; go boloka phuluphithi e hlwekile; metlae ke ya ntle kua. Eupša ye e be e no ba setsopolwa se sennyane e bego e le therešo, gomme e kwagala o ka re e be e le motlae, eupša e be e se.

⁴⁰ Go be go le moisa yo monnyane ka karolong ya rena ya naga, yo a bilego le pitšo go bodiredi. Mmagwe e be e le mohumagadi yo mokaone wa go tšofala, gomme o mo rometše kgole seminaring go ba modiredi. Gomme ge a be a sa ile, gobaneng, go kholetše le seminari, a ithuta mkgwa wa go rera le go ya pele, gabotse, mo . . . mmagwe o babjitše, a babja kudu; o bile le nyumonia. Gomme ba biditše ngaka, gomme o mo file, ka nnete, tšohle a kgonnego go mo fa. Gomme ga se a kgone go tšea phenisilini; o

be a ne aletši go yona. Kafao o be a mo fa seokobatši sa salefa le dilo tše dingwe gape; gomme se be se no se tšee go swara. Mosadi, gabotse, maswafo a gagwe a be a e ba go pipitlana moka, gomme o be a le ka sebopegong se sebe kudu. Kafao ba rometše morwa wa gagwe thelekramo le go mmoṭša go ema komana, ka gore ba naganne mmagwe o be a tla hwa gonabjale gomme ba be ba swanetše go . . . nyaka a tle gae. O be a le dimaele tše dintši kgole.

⁴¹ Eupša gateetee, gobaneng, go bile le mohumagadi yo monnyane a bego a dula tlase khoneng, o be a le wa boromiwa bja Full Gospel, yo a phetšego go dikologa khona yo a dumetšego go phodišo Kgethwa. Kafao o ile godimo go bona mohumagadi wa kgale, gomme o rile, “Kgaetšedi,” o rile, “modiša wa rena o a dumela, le rena, tlase ka kerekeng ya rena, gore Jesu o hwile go fodiša batho ba go babja. Gomme ge o ka se tshwenyeye, gobaneng o sa dumelele modiša wa rena go tla godimo le go go rapelela? Mohlomongwe Modimo o tla araba thapelo ya gagwe le go go fodiša.”

O rile, “Seo se tla ba bose kudu. Mo romele godimo.” Kafao mosadi . . . monna o tllile godimo, gomme a mo rapelela, gomme a fola.

⁴² E ka ba ngwaga moragwana, morwa wa gagwe o tllile gae, gomme ba be ba ahlahlala dilo morago ga go kopana. O rile, “Mme, galego,” o rile, “Ga se nke ka tsoge ka kwa feela se ngaka a go filego gore o fole ka pela kudu, ge o bile le nyumonia, ge ke be ke eme komana go tla.”

O rile, “Oo, morwa,” o rile, “Ke lebetše go go botša.” O rile, “A o tseba moo mišene wo monnyane wola o lego tlase khoneng tlase kua?”

Gomme o rile, “Ee.”

⁴³ O rile, “O a tseba, mohumagadi yola o tllile godimo fa gomme o mpoditše go ba le modiša wa gagwe a tle godimo le go nthapelela.” Gomme o rile, “O a tseba, o tllile le go bala seripa go tšwa Beibeleng ka go . . . Mareka tema ya 16, gomme o rile, ‘Ba bea diatla go balwetši, gomme ba tla welwa ke maruru.’ O a tseba, Morena o mphodišitše nako yeo?”

⁴⁴ “Gobaneng,” o rile . . . mošmane o rile, “bjale theetša, mme,” o rile, “bjale, batho bale ga se ba rutege.” O rile, “O a bona, ga ba kwešiše.” O rile, “Rena . . .” O rile, “Ga go selo se sebjalo bjalo ka phodišo Kgethwa.” O rile, “Ga go selo boka seo ka Beibeleng.” O rile, “Seo se bile matšatšing a a fetilego.” O rile, “Bjale, ka seminaring, gobaneng, re ithutile gore Mareka 16, go tloga go temana ya 9 go ya pele, ga se ya šušumetšwa.”

Mme yo monnyane o rile, “Gabotse, Haleluya!”

Gomme o rile, “Mme. Gobaneng,” o rile, “o itshwara boka batho bale.”

Gomme o rile, “Gabotse, letago go Modimo!”

O rile, “Gabotse, mme, bothata ke eng ka wena?”

⁴⁵ O rile, “Ke be ke no nagana: ge Morena a kgonne go mphodiša ka Lentšu le le sa šušumetšwago, A ka kgonna go dira eng ka *Leo* ka kgonthe le šušumeditšwego?” Ge karolo yela e se ya šušumetšwa? Kafao yeo ke nnete. Ke a dumela yohle E šušumeditšwe. Nthatana ye nngwe le ye nngwe ya Yona. Gomme yohle E bakeng sa rena, nthatana ye nngwe le ye nngwe ke bakeng sa rena.

⁴⁶ Ga re ne tlhoko goba go hloka e ka ba eng. Modimo o file se sengwe le se sengwe re se hlokago ka leetong le. Go filwe rena thwi mo. Oo, e ka ba . . . Neng le neng ge motho a tswalwa gape ka Moya wa Modimo, Morena o mo fa puku ya tšheke sa- . . . go lekanela go mo dira go kgabola leeto la gagwe; gomme botlase bjo bongwe le bjo bongwe bja tšheke, bakeng sa tšhegofatšo efe kapa efe ya topollo, e saennwe, Leina la *Jesu*. E no e tlatša gomme o e romele ka gare. Bona ge A ka se e hlomphe. Yeo ke nnete. E no—e no e romela kua. Yona, peeletšo, e šetše e le ka kua. E ile ya tipositwa Khalibari: “Ka gore O gobaditšwe ka baka la dikarogo tša rena, o tlapirigantšwe ka baka la bokgopo bja rena: kotlo ya khutšo ya rena godimo ga Gagwe; gomme ka megogoma ya Gagwe re fodišitšwe.” Tšohle di saennwe ka Mading a Gagwe. Go fedile. E ka ba mang. . . “Mang kapa mang a ratago, a a tle.” Gomme e netefaditšwe. E netefaditšwe fa, gore O tsogile go tšwa bahung gomme O a phela magareng ga rena bošegong bjo.

⁴⁷ Yena ke Molokologi wa rena ba re lego ditlemong. Motho e ka ba mang yoo a lego ditlemong, Jesu Kriste o fa go ba lokolla bošegong bjo ge o ka e dumela. Bjale, ga ke fa go le lokolla, gobane ga se ke kgone go e dira. Ga se ke romelwe go e dira. Ke rometšwe go rera Ebangedi. Yeo ke phetho. Kriste o tla go lokolla.

⁴⁸ Bjale, Moshe, ge a be a sa no ba lesea le le tswetšwego, feela . . . E be e le tšhošetšo ye kgolo ka Egepeta gomme ba be ba bolaya bana bohle ba banna. Gomme thwi ka nako yeo Moshe o tswetšwe, gomme mme, go mmona go ba ngwana yo mobotse, o be a sa boife tšhošetšo ya—ya Farao ya se a bego a se dira ka bana bohle.

⁴⁹ Bjale, ge le ka bona bagwera, sa mathomo, ke nyaka le hwetše se kgauswi ka kgonthe, sa mathomo, gore dimpho le dipitšo di ka ntle ga tshokologo. Seo ke se se hlolago bothata. Le a bona? O se ke wa leka go ekiša eng kapa eng; e no ba se o lego ka Mmušong wa Modimo. Ge o le monwana, eba monwana; ge o le nko, eba nko; leihlo, eba leihlo. Ke a holofela monwana wa ka ga o tsoge wa tšea sephetho go ba monwana, gobane ga se leihlo. Ka kgonthe e tla ntloša modirong lebakana. Kafao yeo ke tsela, bohle re swanetše go hwetša maemo a rena le go ya ya pele. Eupša

sehlopha ka moka mmogo ke Mmele wa Morena Jesu Kriste, ga go kgathale se o lego.

⁵⁰ Bjale, go bontšha gore dimpho le dipitšo di ntle le tshokologo. Lebelelang Jesu; O be a le Peu ya mosadi go tšwa serapeng sa Edene. O tswetšwe e le Morwa wa Modimo. Moshe, o be a le ngwana yo mobotse ge a tswalwa, gomme a tswalwa go ba molokolli. O be a sa kgone go thuša go ba moprofeta. Modimo o mo dirile seo tswalong ya gagwe.

Lebelelang Johane Mokolobetši, mengwaga ye makgološupa le lesomepedi pele a tswalwa, o be a le “segalontšu sa yo a golelelago ka lešokeng.”

⁵¹ Lebelelang Jeremia, Jeremia 1:4, ke a dumela. Modimo o boditše Jeremia, o rile, “Ke go tsebile, le—le go go hlwekiša, le go go bea moprofeta go ditšhaba, pele e bile o ka ingwa ka popelong ya mmago.” Bjale, o swanetše go dumela go kgethelopele le peelopele, o no, e gona.

⁵² “Dimpho le dipitšo di ka ntle ga tshokologo.” Seo ke se Modimo a se beilego ka kerekeng. Ke fapana gannyane nthatana le baena ba ka ba Pula ya Kgogolamoko fale, go seo sa go bea diatla, go fa dimpho tša semoya. Ke a dumela le swere yeo phošo. Le a bona? Seo se lokile, ga re nyake go wela ntle godimo ga yona, eupša ke—ke a dumela le phošo godimo fale. Le a bona?

⁵³ Paulo le Timotheo, ba lemogile seo go ba, Timotheo, go ba modiredi le monna yo a filwego. Re dira selo sa go swana ka kerekeng ya Baptist le bohle ka moka ga bona, ge re bona monna boka yola, go bea diatla go yena. Eupša e sego go mo fa mpho ya semoya, eupša go mo fa seatla se setona sa kopanelo le tšhegofatšo go direla ka mpho ye Modimo a mo filego yona. Yeo—yeo e no ba phapano, le a bona. Gomme kafao ge o leka go mo fa mpho, seo ke se motho a se dirago, le a bona, gomme e ka se tsoge ya šoma. Ka nnete ga se ya ke ya atlega, gomme ga ke nagane gore e ka tsoge ya dira.

⁵⁴ Bjale, eupša ge Modimo a dirile e ka ba eng, go a fapana. Moshe o lemogile gore o be a le Moshe. Modimo, ka fao A mmolokilego le go mo hlokomela. Gomme morago ge a godile, o be a gopola gore batho ka nnete ba be ba tla kwešiša, ba ba go nagana semoya go kwešiša.

⁵⁵ Bjale, go na le ntlha ye ke dumago re ka be re na le nako, e be e se ka mokgwa wa go tonya, go dula go yona feela dinakwana di se kae: Batho ba šitilwe go kwešiša, kudukudu! Gomme ge a bolaile Moegepeta, a nagana gore batho ba tla kwešiša, batho ba gagwe mong, gore o be a romilwe go ba lokolla, eupša, ga se ba kwešiša. Bjale. . .

⁵⁶ Re a hwetša nako yeo, gore o tšhabetše ka nageng ya Bamidiani. Gomme fale o nyetše mosetsana wa Moethiopia ka leina la Tsipora. Moshe, mathomong, o be a na le pelwapelwana ya godimo ka nnete. Re tseba seo. Modimo o ile a swanelwa ke

go e tloša ka go yena. Kafao gona re. . . o nyetše mosetsana yo gomme o bile mohlanka wa ratswalagwe, a diša dinku morago ntle lehlakoreng la morago la leganata.

⁵⁷ Letšatši le lengwe, ke kgona go no eleletša, ke bona mokgalabje yo bjale wa bogolo bja mengwaga ye masomeseswai. O bile le bana ba babedi a ba tswaletšwego godimo fale. Gomme šo o tla tlase, bjale, o diša dinku, feela modiši wa dinku, monna ntle. . . a tšwetše ka ntle ga thato ya Modimo, gomme a bolaya monna, le morago godimo kua, bjale, bjalo ka modiši wa dinku.

⁵⁸ Eupša ge Modimo a beetšepole e ka ba eng, e no ba ka kgonthe go tla go phethega, bjalo ka ge Modimo a le Legodimong. Kafao go ya go ba go le bjalo. Ga se gona ka lefaseng se ka kgonago go thibela Jesu Kriste go tloga go tlang lekga la bobedi. Modimo o e beile go ba bjalo. Ga go tsela ka lefaseng ye o ka tsogego wa emiša molaetša wa phodišo Kgethwa. O ka kgona go e lwantšha kudu ka mo o nyakago, eupša Modimo o beile gore e swanetše go ya pele, gomme e ya pele. Yeo ke nnete. Ga go kgathale, yo mongwe. . . “Modimo o kgona ka matlapa go tsošetša Abraham bana ka matlapa.” Kafao selo se sekaonekaone go dira ke go tšoenana le lenaneo la Modimo le go matšhetša pele le kereke, ke selo se sekaonekaone ke tsebago go se dira.

⁵⁹ Fa nako ye nngwe ya go feta, ke be ke le godimo ka go Sehlwaseeme sa Tokologo gomme ka tšwela ntle go letsogo lela. Gomme go lebelela ntle kua godimo ga lefastere lela, go bona sehlopha sa dithaga tše nnyane tše di bego di hwile, di robetše gohlehle go dikologa godimo ka ntle kua. Gomme ka re go mohlahlhi, ka re, “E re, molato ke eng? Dithaga tše nnyane tšeo di—di hwile.”

⁶⁰ O rile, “Mohlomphegi, go bile le ledimo bošegong bja go feta, gomme baisesa bale ba bannyane ba dikologa go tikologong, gomme ba tsena ka seetšeng sa Sehlwaseeme se sa Tokologo mo. Gomme sebakeng sa go latela seetša go ya polokegong, ba a tla le go ituela mabjoko a bona a mannyane ntle, ba leka go tima seetša. Selo se nnoši seo se kago go ba thuša, ba be ba leka go se betha le go ipolaya bonabeng ka go matsapa.”

⁶¹ Ke rile, “Tumišang Modimo. Go ka no ba baganamodimo ba tsošetšwe go swana, e ka ba eng gape, baganyetši, le basedumele, eupša bontši ge o tima Seetša, wa leka go betha Seetša sa Modimo, o tla no ipetha wenamong go hwa le go wela fase ka kgobogo, gomme Seetša sa Modimo se tla phadima go kgabola mabaka.” Yeo ke nnete. Modimo o tla sepelela pele go sa kgathale e ka ba eng e ka ba mang a ka kgonago go e dira. Selo se sekaonekaone go se dira ke go tšoenana thwi godimo le Yena le go sepelela thwi pele le—le moela wa Moya wo Mokgethwa.

⁶² Gomme Moshe, ge a be a le morago ntle kua ka lehlakoreng la morago la leganata, letšatši le lengwe, ke a eleletša mohuta wa go nolega moko, a sepela go bapa, a nagana ka se se diregilego tlase ka Egepete, le bagwera ba gagwe bohle. Gomme šo o be

a nyetše ka go morafe wo mongwe wa batho, le go diša dinku tša ratswalagwe. O diregile go lebelela godimo kua, gomme o bone sethokgwa se tuka, gomme o naganne go be go tlabo gore sethokgwa ga se sa tsoge sa swa. Kafao, Modimo o be a leka go goga šedi ya Moshe.

⁶³ Gomme ke tseba bjang, o tseba eng, eupša se kopano ye ntle mo e bilego go... Modimo o e beile ntle mo go goga šedi ya ba bangwe ba lena batho ba le phelago ka dikerekeng tše go dikologa mo, ntle le go tseba gore Modimo o tsogile go tšwa bahung, gomme Jesu o a phela mo bošegong bjo o fodiša balwetši le batlaišwa? Mohlomongwe O go tlišitše ntle mo go bona dihlotša tše, le digole, gomme batho ba go phetlega ba tsoga go tšwa ditulong tša bagolofadi gomme ba sepela, go bona Moya wa Gagwe o sepela go kgabola batheeletši le go phošolla batho, le go kgalema badiradibe mo sefaleng, bokgethwa, batho ba go lebega bomodimo, wa tla le go ba botša mo ba dirago sebe, le dilo di lego. Gomme Lentšu le lengwe le le lengwe la yona ke therešo ya go se palelwe. O tseba bjang gore Modimo ga se a goga šedi ya gago go tla le go lebelela se sengwe boka seo, gore le tla retologela ka thoko le lena? E sego go retologa go tšwa kerekeng ya gago, eupša go retologa go tšwa tseleng ya gago ya go phela, le go direla Modimo yo a phelago ka tswalong ye mpsha le go tswalwa gape. Mohlomongwe Modimo o dira seo.

⁶⁴ Moshe o retologetše ka thoko, gomme ge a lebeletše sethokgwa sela se tukago, o thomile, o rile, “Gabotse, ke tla ya godimo le go bona se pono ye e lego.” Ka mehla Modimo o ikutolla Yenamong ka mollong.

⁶⁵ Kafao o retologetše ka thoko go e bona, gomme Modimo o boletše le yena go tšwa sethokgweng gomme o rile, “Moshe, rola dieta tša gago, gobane mobu wo o emego go wona ke lefelo le lekgethwa.”

Bjale, go ka reng ge Moshe a ka be a rile, “Bjale, Morena ke ya go no ba tlhomphokgolo go Wena, ke ya go rola kefa ya ka, yeo e tla no ba gabotse?”

Modimo ga se a ke a re, “kefa ya gago,” O rile, “dieta tša gago.”

Bjale, ge nka re, “Gabotse, ke tšoenane kereke; a ga ke no loka bjalo ka moisa wa go latela?”

Modimo ga se a ke a re, “Ge motho a sa tšoenane kereke...” O rile, “Motho o swanetše go tswalwa gape. Ge a sa...”

O re, “Gabotse, ke—ke ya kerekeng ye botse.”

⁶⁶ Seo se lokile, eupša seo ga se senyakwa. “Ntle le ge motho a tswalwa ka meetse le Moya, a ka se ke ka mokgwa ofe go tsena ka Mmušong.” Modimo o na le lenaneo le letee la go tia, ga go kgathale gore se sengwe le se sengwe se lebega botse bjang. O

swanetše go ba mothalong le Ebangedi ya Modimo. Beibele e a se bolela, gomme seo ke selo se re swanetšego go se dira.

67 Gomme Moshe o ile a swanela go ba mothalong le lenaneo la Modimo, e sego se Moshe a nagannego se be se le tlhompokgolo, eupša se Modimo a se bidityego tlhompokgolo. Gomme o dutše fase, a rola dieta tša gagwe, gomme a sepelela godimo. O rile, “Ke dirile,” O, “kwele dillo tša batho ba Ka, gomme Ke theogile, gomme Ke ya go romela tlase go ba lokolla.”

68 Le a tseba Moshe o ngongoregile. O rile, “Bjale, lebelela, ke nna monna wa polelo ya go nokologa. Ga ke kgone go bolela gabotse kudu, gomme ga ke sethakga, le go ya pele.” O thomile go belaela, gomme Modimo o mmoditše O tla romela Arone. Gomme ka gona o be a nyaka go tseba, o rile, ge a ka kgona go bona letago la Gagwe, o be a tla ba botša ke eng e dirilego?

Gomme Modimo o rile go Moshe, “Ke eng seo ka seatleng sa gago?”

69 Bjale, eng kapa eng e bego e robotše kgauswi, Modimo a ka be a šomišitše eng kapa eng. Modimo a ka be a šomišitše sethokgwa. Eupša Moshe o bile le se sengwe ka seatleng sa gagwe. O rile, “Ke lepara.”

70 O rile, “Le lahlele fase.” Gomme o le lahletše fase, gomme ge a dirile, le fetogile sephente. O e topile ka mosela; e boetše morago go lepara gape. Gomme Modimo o laeditše Moshe ka seo, se A bego a ka kgona go se dira, gore O be a sa le Modimo yo a phelago. O kgonne go tšea sa tlhago le go se fetola go ba sa kagodimogatlhago. O kgonne go dira e ka ba eng A nyakilego, gobane O be a le Modimo.

71 Moshe o topile lepara lela ka seatleng sa gagwe, a kitimela godimo gomme a tšea Tsipora, mosadimogatša wa gagwe, le go mmea godimo ga mmoula, le go bea segotlane lethekeng le lengwe le le lengwe. Gomme o swere tonki ya kgale ka ditomo le lepara ka seatleng sa gagwe, gomme šo o ile tlase Egepeto go lokolla . . . batho ba milione tše pedi.

72 A le ka kgona go e eleletša? A ponagalo ya go lebega go swawalatša e tla bago yona. Mokgalabje yo, bogolo bja mengwaga ye masomeseswai, ka ditedu tše tšhweu le moriri o tšutla ka mokgwa *wola*, a nno thaba le go goelela, a goeletša, “Letago go Modimo,” mosadimogatša wa gagwe a dutše go tlaralala moula wo, le segotlane lethekeng le lengwe le le lengwe, a eya tlase go thopa. A le ka eleletša seo?

73 Le nagana gore madira a magolo le mašole ba ka be ba boletše eng letšatši lela? “Gabotse yola wa kgale, moisa wa go šokiša wa kgale o hlakane bjaša.” Lefase ka mehla le nagana seo, eupša o be a na le Lentšu la Morena, gomme Le be le swanetše go tla go phethega. O be a na le tšhepišo ya Modimo. Gomme o be a na le lepara lela la kgale ka seatleng sa gagwe a le šišinya.

74 Bjale, lepara la go oma le eya kgahlanong le madira a magolo a Egepeta, ao a fentšego lefase ka matšatšing a lona, dikete atiša ka dikete tša dikoloi, banna ba dipere, banna ba lerumo, dingata tše kgolokgolo tša metšhene; go no swana le monna yo motee a ka leka go ya kgahlanong le Russia lehono goba se sengwe boka seo, mohlomongwe mathata a magologolo a tla ba nako yeo.

75 Gomme Moshe, bogolo bja mengwaga ye masomeseswai, ke eleletša ralefatla ka godimo, le maledu a lekeletše fase, le moriri go dikologa molala wa gagwe, gomme—gomme o be a le fao a hlahlala moola wo, a eya tlase go thopa. Gomme karolo ye botse ka yona, o e dirile (Yeo ke nnete.), ka lebaka la gore Modimo o be a dirile tshepišo.

76 Ge Modimo a tshepiša e ka ba eng, Modimo o ka tlase ga boitlemo go hlokomela tshepišo ya Gagwe. Modimo ka mehla o tla e thekga. Ga ke kgathale se Eya- . . . se e ka ba mang a se bolelago ka yona, ge Modimo a re go bjalo, go bjalo. Khutšiša soulo ya gago, mmele, le maatla godimo ga yona, ka gore Modimo o ikarabela go Lentšu la Gagwe. Amene. Ke leboga kudu bakeng sa pina ye nnyane yela re e opelago:

Tshepišo ye nngwe le ye nngwe ka Pukung ke
ya ka,

Tema ye nngwe le ye nngwe, temana ye nngwe
le ye nngwe, mothalo wo mongwe le wo
mongwe.

Ke tshepetše ka go lerato Kgethwa la Gagwe,
Tshepišo ye nngwe le ye nngwe ka Pukung ke
ya ka.

77 Ke go mang kapa mang a ratago, a ka tla gomme a nwa go tšwa mothopong wa Meetse a Morena, mahala, ntle le tšhelete, ntle le tefo; e šetše e lefetšwe. Mang kapa mang a ka tla le go nwa.

78 Moshe a eya tlase go thopa; a pono ye e bego e le yona. Gomme ge a fihla tlase kua, o tšere lepara le la kgale, selo se nnoši a bilego le sona ka seatleng sa gagwe, gomme a fenya Egepeta, gomme a etapele bana ba Israele, le go ba fepa ka lepara la go swana go fihla ba ile nageng ya tshepišo. Amene. Leparala la kgale la go oma! O ka no se be le bontši kudu ka seatleng sa gago. O ka no ba ebile o sa kgone go letša molodi. Eupša e ka ba eng o nago ka seatleng sa gago, a nke Modimo a be le go e swara gomme O tla e šegofatša. Amene.

79 O ka se kgone go dira go feta go paka go moagišani wa gago, ge o sa kgone go dira go feta go phagamiša seatla sa gago, o re, “Modimo, ke amogela Lentšu le lengwe le le lengwe la Yona,” tšea se se lego ka seatleng sa gago gomme o dire se o se kgonago bakeng sa letago la Modimo.

80 Go be go le mošemane yo monnyane, nako ye nngwe, o ile go bona Jesu, gomme o bile le dipisikiti tše nne goba tše tlhano tše nnyane le hlapi tsoko ka fale. Bjale, ka seatleng sa mošemane

yo monnyane e be e se bontši kudu, eupša gatee ka diatleng tša Morena Jesu Kriste, O e šegofaditše le go fepa dikete tše tlhano. Selo se sennyane o nago naso e ka no ba tlhase ye nnyane ya tumelo e robetše fase kua, gore o a dumela gore O tsogile go tšwa bahung. Ga se bontši kudu go wena, eupša e tlemolle nako ye nngwe ka bopaking, e ka no ba sehlola sa makgolo a batho ba etla go Morena Jesu Kriste.

⁸¹ Ge o dutše fale o babja goba o golofetše, gomme o na le tshetlana ye nnyane ya tumelo, e tlemolle bošegong bjo gomme o re, “Morena Jesu, se ke sohle ke nago le sona, go tshepa Lentšu la Gago, gomme šefa ke a tla, go tšwa go Wena go hlokomela ka moka ga yona.” Modimo o tla go botša ka moka ga yona le wena. O no e tlogela le go Mo dumelela go ba le yona.

⁸² Ke mohuta ofe wa athomo Jesu a e bofollotšego nako yela? O tšere hlapi, ga se A no ba fepa ka hlapi ya go se butšwe goba hlapi ya go phela, O ba fepile ka hlapi ya go apewa le borotho bja go apewa. Amene. Moo A e hweditšego ga ke tsebe. Golebjalo, O—O ba fepile gomme ba e ja.

Boka moisa a boletše, e sego telele go fetile, o rile, “A o dumela kanegelo yela ka Eliya a dutše godimo kua le magokubu?”

Ke rile, “Ee, mohlomphegi. Ke dumela lentšu le lengwe le le lengwe la yona.” Yeo ke nnete.

⁸³ Ba naganne Eliya o be a gafa, a dutše godimo thabeng fale, gomme o be a hwetša seno sa meetse nako le nako ge a be a se nyaka. Gomme bona sosaete le legoro la godimo tlase fale ba be ba bolawa ke tlala, gomme morago ba mmiditše segafa. Gomme o be a le kaonana go phala batho ba bantši, o bile le bahlanka tsoko ba makhalate bao ba mo rweletšego dijo nako le nako ge a swerwe ke tlala. Seo se kaonana go phala bontši bja batho ba dutšego fa bošegong bjo. Yeo ke nnete. Nako le nako ge a swerwe ke tlala, mo go tla legokubu ka sangwetše gomme la mo fa yona, la fofela kgole. A khunama thwi fase gomme a ikhweletša seno sa meetse ge a be a nyaka. O be a le ka thatong ya Modimo. O tšere Modimo Lentšung la Gagwe. Amene. Seo—seo—seo ke sohle o swanetšego go se dira, ke go tšea Lentšu la Gagwe.

Yo mongwe o rile, “Bjale, Ngwanešu Branham a ka kgonthe o ra gore legokubu lela le mo tlišeditše sangwetše?”

Ke rile, “Ee, mohlomphegi.”

O rile, “Gabotse, legokubu le le e hweditše kae?”

⁸⁴ Ke rile, “Ga ke tsebe. Legokubu le e hweditše gomme la e tliša go Eliya, gomme a e ja.” Ke rile, “Yeo ke tsela ka Moya wo Mokgethwa. O be o dira metlae ka nna go goelela.” Ke rile, “Nka se kgone go go botša moo e tšwago gona; Moya wo Mokgethwa o a e tliša. Ke no e ja. Gomme ke a e rata gomme ke phela ka yona.

Ga ke tsebe mo e tšwago; eupša ke a e hwetša; seo ke selo se nnoši ke se tsebago. Ge feela A e tliša, ke rata go e tšea.” Amene.

⁸⁵ O re, “Moisa yola o ya go sepela bjang mola a sa ye go ngaka?” Nka se kgone go thuša seo; ge Modimo a bolela bjalo, o tla e dira go le bjalo. Le no šetša. Ke taba ya Modimo go hlokomela Lentšu la Gagwe. O šeditše godimo go Le dira, gomme O tlamegile go Lona. Gomme O tla e dira ka go taba ye nngwe le ye nngwe (Amene.) go monna goba mosadi e ka ba mang yo a ka lekago go Mo tšea Lentšung la Gagwe (Oo, nna, yeo ke therešo, ee, mohlomphegi. Moshe o ile tlase kua, gomme o dirile feela tlwa se Morena a Mmoditšego go se dira.), ge o no tšea se o nago naso ka seatleng sa gago gomme wa dumelela Modimo go ba le sona.

⁸⁶ Bjale, go bile le moisa yo monnyane nako ye nngwe, moragwana gannyane go tloga fao, ka leina la—la Dafida, mošemane yo monnyane wa kgale wa modiši yo a phetšego ntle patogeng ya thaba, a fepa dinku tša tatagwe. Eupša o tsebile tšhegofatšo ya Morena e be e le godimo ga gagwe. Kafao o tsebile gore Modimo o be a na le yena. Gomme letšatši le lengwe ge madira a Israele a kgobokane ntle go lwa kgahlanong le Bafilisita, gobaneng, tatagwe Isai o rile, “Bjale, ke ya go go roma godimo go baneno; go iša tšona diterebe tsoko tša makwapi le go ya pele, le go ya godimo le go bona ka fao baneno ba yago mmogo.” Ba babedi ba bašemane ba bagologolo ba be ba le ntweng.

⁸⁷ Kafao Dafida o ile ntle. Gomme le a tseba ge a fihla godimo kua, o bone pono. Bafilisita ba be ba kgobokane ka lehlakoreng le tee gomme Israele ka go le lengwe. Saulo a dutše godimo fale, kgato tše šupago, diintšhi tše nne botelele goba *se sengwe*, moisa yo mogolo bogolo wa go bogega kgošana. Eupša go kgabaganya, godimo ka lehlakoreng le lengwe la mokoti, godimo kua go be go le madira a Bafilisita, gomme ba be ba na le mohlholi yo mogolo, goba, nkgwete ye kgolo ka leina la Goliata. Nna, o be a le e ka ba kgato tše senyane, diintšhi tše nne botelele, gomme a moisa a bego a le. Gomme ge diabololo a tseba o a go fekeetša, gona ka kgonthe o tla e šunyetša ka go wena, ge ka kgonagalo a ka kgona.

⁸⁸ Kafao o tšwetše ntle patogeng ya thaba fale gomme o rile, “Ke tla le direla peelano, lena baisa bohle. A nke re se hlole go tšhollwa ga madi go itšego.” Le a bona? Ke yo mogolo, gomme o bile le go ba kalela bohle. Kafao o rile, “Le romela . . . le hlaola monna godimo kua ka go madira a Israele, gomme a nke a tle godimo fa, le go lwa kgahlanong le nna; gomme ge nka mmolaya, gona bohle le a re hlankela, ge a ka mpolaya, gona re tla le hlankela.” Nnete. Yeo ke tsela ye diabololo a tla e dirago.

Bjale, o tšea mohlala moisa yo fa: “Ge nka no kgona go bona *se*, goba *seo*, goba *sela*.” Le a bona? Neng kapa neng ge ba ka kgona go hwetša mohuta woo wa kgopolo . . .

⁸⁹ Eupša letšatši le lengwe o dirile boikgantšho bja gagwe ka tsebeng ya motho wa go fošagala. Go be go le moisa yo monnyane wa kgale wa go lebega go ota, ka kgonagalo a imela e ka ba boima bja lekgolo le lesome, ka magetla a mohuta wa go kobama le jase ye nnyane ya modiši e tateditšwe go mo dikologa. Gomme mosong woo, ge madira a sepelela morago le pele, le go golelana seng sa bona, gomme ba be ba leka go tsena ka ntweng, gobaneng, mohlohli yo mogolo yo o tllile ntle, o rile, “Bjale, ke nyatša madira a Israele.” Eupša e wetše godimo ga ditsebe tša monna wa go fošagala go yena nako yeo. Ee, mohlomphegi.

⁹⁰ Go be go le mošemane yo monnyane wa kgale fale yoo a tsebilego se a bego a bolela ka sona. O rile, “Ke eng se? Le nyaka go mpotša gore le tla ema le go dumelela. . . lešoboro lela la Mofilisita le roga madira a Modimo yo a phelago?” Amene. O tsebile se a bego a bolela ka sona. Oo, nna. Goliate, o dirile boikgantšho bja gago bja go fošagala nako yeo.

⁹¹ Gomme ge seo se wetše tsebeng ya Dafida, nako yeo ngwanabo o rile, “Bjale, lebelela fa, ke tseba go seleka ga pelo ya gago, bjale, o no tlogela go bolela dilo tše bjalo ka tšeo.”

⁹² Ba bangwe ba bona ba rile, “Gobaneng, a ka nyala morwedi wa kgoši, gomme o tla mo fa mahumo, gomme ntlo ya tatagwe e tla lokologa ka Israele, le go ya pele.”

O rile, “Ke eng se lena bohle le bolelago ka sona bjale?” Nna, feela moisa yo monnyane wa kgale wa nthatana, yeo e no ba tsela ye a . . .

⁹³ Gobaneng, o ka se kgone go ya ka go lebelela. Yeo ke nnete. Ga o ye ka go lebelela. O ya ka se se lego ka pelong. Yeo ke nnete. Ge o eya ka go lebelela, gobaneng, Israele e ka be e bile le nako ye mpe ge ba naganne ba be ba ka kgona go hwetša meetse go tšwa leswikeng. Leo e be e le lefelo la go omaomi le bego le le ka setšhabeng. Eupša Modimo o rile “Bolela le leswika. Seo ke selo se nago meetse.”

⁹⁴ Ka gona ba re lehono, “Ge go na le selo se sebjalo bjalo ka phodišo Kgethwa, e tla ba ka go tše dingwe tša dikereke tšela tše kgolo tša maemo.” Seo e no ba se o naganago ka sona. Le a bona? Yeo ke nnete. Mohlomongwe ke lefelo la go omaomi o kilego wa le bona, eupša go ne meetse fao ge o ka no bolela le Lona. Amene.

⁹⁵ Bjale, ke nyaka le hlokomele. Ka gona ge Dafida, ke kgona go no mmona a sepelela godimo kua, gomme o rile. . . o mo tlišitše godimo pele ga kgoši. O rile, “Bjale, ema motsotso fa,” o rile, “tliša mohlankana yola godimo fa.” O sepeletše godimo go yena, letšatši. . . Saulo o mmiditše “motekatekiana.” O swanetše go be a be a le moisa yo monnyane wa nthatana wa go lebega go ota (Le a tseba?), magetla a manyane a dutše ka gare, mohuta wa go sepela go bapa, mahlo a manyane a kgale a go tomolela a lebeletše ntle go yena. O rile, “Gabotse, theetša, o ka se kgone go lwa le yola.”

⁹⁶ O rile, “A nke go se be pelo ya motho e tšhogago ka gare ga gagwe ka baka la tšitširipa ye.” O rile, “Mohlanka wa gago o tla ya godimo le go lwa le yena.” Oo, nna. Ke rata tlhohleletšo yela. A ga le? Gobaneng? Re tla bona mo motsotsong gobaneng a bile le sebete sela, se se dirilego phapano yela. Ee, mohlomphegi. O rile, “Ke tla ya godimo le go lwa le tšitširipa yela.”

⁹⁷ Gomme fao, Saulo, lesea le legolo bogolo, le dutše godimo kua, gabotse e le le legolo bjalo ka tšitširipa, gomme o swanetše go ba kgoši ka Israele, le sohle se, gomme morago a dula fale a boifa go ya go lwa le yena.

⁹⁸ Go mpea ka monaganong wa batho ba bantši lehono, ba ba sa dumelego go phodišo Kgethwa. Ba tleleima go dumela Beibele, gomme ka gona ba tla no dumelela diabolo go sepela godimo ga bona, eng kapa eng. Ke dumela ka go bja fešene ya kgale, boitemogelo bja Moya wo Mokgethwa, bja go tswalwa gape, bja go tsepelela fase, bja go hwa gabedi. Ke—ke dumela go se sengwe seo se dirago motho go phela. Se bea sebete le Mollo ka go yena. Yeo ke nnete. Se tla mo dira a eme monwana le monwana le diabolo go tshepišo Kgethwa e ka ba efe ya Modimo le go e bitša therešo, ga go kgathale se e bogegago boka sona. Dafida yo monnyane wa kgale. . .

Gobaneng, o rile, “O ka se kgone go e dira.”

O rile, “Ntumelele ke tloge.”

O rile, “Bjale, o tseba bjang gore o ka kgona go e dira?”

⁹⁹ O rile, “Lebelela fa. Ke ya go go botša se sengwe. Ke bile le boitemogelo tsoko.” Seo ke se e se tšeago lehono, ke yo mongwe a bilego le boitemogelo.

¹⁰⁰ Dafida o rile, “Ke bile le boitemogelo.” O rile, “Ke be ke diša dinku tša tate wa ka ntle kua, gomme tau ya tla ka gare, bera ya tla ka gare, gomme ya swara putšane, goba, kwana ye nnyane, le go kitimela ntle le yona,” gomme o rile, “ke kitimile ka morago ga gagwe le go mo kokota hlogong ka seragamabje se, gomme ka gona ge ke thoma go tšea kwana go tšwa molomong wa gagwe, o tsogile, gomme ka mmolaya.” O rile, “Modimo yo a neetšego tau ka diatleng tša ka, le bera ka diatleng tša ka,” o rile, “ke bontši gakaakang A tla neelago lešoboro lela la Mofilisita.” Yeo ke nnete.

¹⁰¹ Kafao Saulo o rile, “E tla godimo fa gomme ke tla dira moreri wa kgonthe wa kereke go tšwa go wena, gona.” Kafao o mo iša godimo fale, gomme o apara tlhamo ye kgolo, le sekokoro sa gagwe, le se sengwe le se sengwe. O gogetše tlase godimo ga ditsebe tša gagwe tše dinnyane, gomme a eleletša a hlodimela ntle lehlakoreng, le tlhamo ye kgolo bogolo godimo, gomme o be a sa kgone go šutha. O be a no se kgone go ya pele.

¹⁰² Seo ke se e lego bothata ka batho lehono. Ge monna a hwetša pitšo ye nnyane ka pelong ya gagwe go ya go rera Ebangedi, o

swanetše go mo iša godimo go ye nngwe ya diseminari tše kgolo tše, goba se sengwe fale, le go itia boreri bjohle go tšwa go yena, le go hwetša ye nngwe ya thutamodimo ye ya lefase ka go yena, ka mokgwa *woo*, le go ntšhetša boreri bjohle bo lego gona ka ntle ga gagwe, morago o mmotše a ye. Ga go makatše ga a kgone go dumela. Mmalo, go tlangwa gohle ke lefase. Haleluya!

103 Re hloka go tšwela ntle le go šikinya Moya wo Mokgethwa tsoko wa fešene ya kgale fase le go dira mebušara ye ya kgale e tologe, se re se hlokago tikologong mo, ke sona. Amene. Ee, mohlomphegi.

104 Dafida wa kgale fale, o beile ya gagwe. . . o bile le grata ya gagwe ya B.A., le a tseba, le ya gagwe—ya gagwe L.L., le ya go hlatlagana—L.D., le D.D., le a tseba, bohle go ya pele. O rile, “Ga ke tsebe selo ka dilo tše. Ga se nke ka netefatša e ka ba eng. Ga ke tsebe se seo se lego.” O rile, “Nka se kgone go dira seo.” Gomme Saulo o hweditše gabotse ka pela, gore besete ya gagwe ya bodumedi ga se e swanele monna wa Modimo. Amene.

105 Seo ke se e lego bothata ka batho lehono. Ge o ka no tloša tšona dibesete tša kgale tša bokereki le go ya fase. . . bokaone ke be le boitemogelo bja kgale. . . Bokaone mošemane wa ka a ka sepela le monna yo a bego a sa tsebe boABC ba gagwe, le go mo tšeela ntle mo patogeng ya thaba kgauswi le kutu ya kgale felotsoko, le go mo rapelela go kgabola go boitemogelo bja fešene ya kgale bja Moya wo Mokgethwa, go feta go mo romela go dikolo tšohle di lego ka nageng, tšeo di tla tšeago maatla a Modimo le ditšhegofatšo tša Modimo go tšwa bophelong bja gagwe. Amene. Yeo ke nnete. Ee, mohlomphegi.

106 Gomme fao, Dafida o lebeletše godimo ga selo, o rile, “Ga ke tsebe selo ka se. Ga ke tsebe mokgwa wa go re, ‘Aa-mane,’ le ditheto tšohle, le tšohle tšona dilo tša go swana le tšeo. Ga ke tsebe gore o dira seo bjang.” O rile, “A nke ke ye le se ke šetšego ke se netefaditše go ba nnete.” Haleluya!

107 Seo ke se ke se boelago. Ke a tseba ge ke sepeletše godimo go mookamedipharephare wa ka, ke mmoditše Morongwa wa Morena o kopane le nna, o rile, “Billy, eya gae. O bile le sekatapowana.” O rile, “Gobaneng, o ra ka thuto ya kereiti ya bošupa, o ya go rapelela balwetši, le go ya go rapelela dikgoši?”

Ke rile, “Seo ke se a se boletšego.”

O rile, “O ya go e dira bjang?”

Ke rile, “Ga ke tsebe, eupša go ntšee tše bokgole bjo, O tla ntšee pele.” Modimo o a kgona, Yo a dirilego tshepišo, e tla e dira.

108 O rile, “Ao, morwa, ke nagana gore bokaone o boele morago. O hloka go khutša.” Ke be ke sa hloke go khutša. Ke be ke hloka go ya mošomong. Ke be ke khutšitše botelele kudu nako yeo.

109 Seo ke se e lego bothata ka batho ba bantši lehono. Tsoga gomme o sepele. Ke nako, batho ba bothateng, a re yeng, ba išeng go Morena Jesu, ka pela.

110 Re hlokomela fale gore re hwetša Dafida yo monnyane wa kgale, o rile, “Bjale, lebelela. Ga ke tsebe selo ka tša gago. . . digrata tšohle tša gago, gomme ga ke tsebe selo ka ditlhamo tša gago, le dilo tšohle tšeo lena baisa le lwago ka tšona, le go nganga ka tšona, le go nganga ka tšona. Eupša ke tseba selo se tee: ke tshepile seragamabje se sennyane se sa kgale; Modimo o neetše tau ka seragamabje se; O neetše dilo tšohle tše dingwe tše ka seragamabje se; gomme Modimo o tla neela lešoboro lela la Mofilisita ka seragamabje.”

111 Ke a tseba gore ge ke be ke le modiradibe, ke lahlegile, gomme ka lefaseng, ke ehwa ntle le Kriste, Moya wo Mokgethwa o mphološitše. Ke a tseba ge ke lapile, Moya wo Mokgethwa o ntira ke thabe. Ke a tseba ge ke hloka dijo, Moya wo Mokgethwa o a mphepa. Ke bontši gakaakang Moya wo Mokgethwa o tla mphodišago ge ke babja, morago ga ge Modimo a e tshepišitše. Ga ke tsebe ka dilo tše dingwe tša lena, eupša ke a tseba Modimo o dirile tshepišo, gomme ke tshepišo ya Modimo, gomme Modimo o tla kgomarelana le tshepišo ya Gagwe.

“Ke eng seo ka seatleng sa gago Dafida?”

O rile, “Seragamabje.” Amene.

“O ya go lwa bjang le tšitširipa yela ntle kua ka lerumo la kgato tše lesometlhano goba masomepedi? O ka se kgone go fihla kgauswi le yena.”

O rile, “Ke netefaditše se. Ke tseba se selo se se tla se dirago.”

112 Yeo ke nnete. Oo, e ka ba monna goba mosadi a tswetšwe ka Moya wa Modimo, bao ba kilego ba amogela Moya wo Mokgethwa, ba tseba se seo se tla se dirago. Ga ke tsebe se ngangišano yohle ya lena le dikolo tšohle tša lena di yago go se ruta, eupša ke tseba selo se tee, gore se tla dira se Modimo a rilego se tla se dira.

113 Dafida yo monnyane o be a ithutile Modimo ka tsela ya tlhago. Go beng ntle fale, go bapa, o boletše ka meetse a makhutšo le mafulo a matala. O bone Modimo ka seemong sa Gagwe sa sekgalekgale, Modimo ka tlhagong ya Gagwe, a sepela.

114 Modimo o ka tlhagong. A ga le e dumele? Nnete O gona. Ke no rata go Mo šetša mo go dikeleng ga letšatši, go Mo šetša ka go. . . bjalo ka go gola ga matšoba, go Mo šetša ge letšatši le hlaba.

115 Fa nako ye nngwe ya go feta, ke be ke le godimo ka dithabeng moo ke yago ge ke lapile kudu ga ke kgone go ya pele bokgole bjo itšego. Gomme ke ile godimo kua marega a mangwe go tsoma, gomme ke be ke tsoma kgama. Go be go le thari mo lehlbuleng. Re be re le moragorago godimo, gobane lehlwa le be le se la tla tlase go kitimiša mohlape. Gomme ke be ke le godimodimo

ntlhoreng, goba, kgauswi le mothalo wa thimpa. Gomme ka go lehlabula la ngwaga, godimodimo kua ka dithabeng tša godimo, e a tla, go tla wa lehlwa lebakana, gomme morago pula lebakana, gomme morago letšatši la tla ntle, le tseba ka fao le lego ka go lehlabula la ngwaga. Gomme ge ke be ke sa ya mmogo, e sego go thunya diphoofolo, go no se fete go ba kgole go nnamong.

116 Ke rata go tloga le Modimo. Monna le mosadi yo mongwe le yo mongwe. . . Bjo ke bothata. Le swanetše go tšea nako ye ntši letšatši le lengwe le le lengwe, sebakeng sa go kgoboketša gohle, le go kitima gohle, o swanetše go ba ntle felotsoko o rapela le go nyaka Modimo. Amene.

117 Gomme godimo kua, ke be ke eya mmogo; gomme gwa tla ledimo godimo, gomme ka tsena ka morago ga mohlare ka mokgwa *wo*. Gomme ke be ke eme ka morago ga mohlare gomme diphefo di tšutla. E be e le wa go ušwa ke phefo wa kgale tlase kua go le bjalo. Kafao gona, morago ga ge ledimo le fedile, ke tšwetše ntle ka morago ga mohlare, ke bile le raborolo ya ka e dutše fase. Gomme ke lebeletše godimo, gomme ka thoma go kwa mohlape wa ditshepe tša dinakamaphakga pele ga ka. Di timetše la ledimong. Di be di goeletšana seng.

118 Mme wa ka ke seripa sa Moindia, gomme yona, feela go lekanela gore ke no rata ka ntle fale. Oo, nna. Bjalo ka ge Dafida a rile, “Ge botebo bo thoma go bitša botebo. . .” Gomme ka kgonthe bo thoma go bitša botebo nako yeo.

119 Phiri ya kgale ye tshela e thoma go ngautša godimo mo, gomme molekani a mo araba tlase. Ke llile boka lese. Ga se ke kgone go e thuša, go no ema fale le go tlhahlamolla ka diatla tša ka godimo moyeng.

120 Ke lebeletše ntle; nako yeo letšatši la tšwa, moragorago godimo fa ka go bogomaponi bja bodikela, le hlodimela go kgabola, leihlo le legolo lela la go bona tšohle. Gomme godimo. . . mohlakamotala wola o be o gatsetše, godimo kua, ka aese. E bopile molalatladi tlase go kgabaganya moedi ka mokgwa *wola*. Ke naganne, “O, Modimo, mogohle o lebeletago o kgona go Mmona.” O be a le fao. Ke naganne O. . . Šole O lebeletše godimo kua; O lebeletše go kgabola. Šole Yena ka mohlape go ditshepe tša dinakamaphakga, gomme šo Yena o tlase ka go diphiri o a goeletša. Šo Yena ka tlhagong. Ke naganne, “Ke. . .” (boka Petro a boletše) “Ke mo gobotse go ba mo. A re ageng ditabarenekele tše tharo.”

121 Gomme ke bile wa bodumedi ka kgonthe, gomme ke kitimile go dikologa le go dikologa mohlare wola, ke goelesa bogodimo bja segalontšu sa ka, ke no goelesa le go tabogela godimo le fase feela ka maatla ka fao ke kgonnogo. Ge nkabe yo mongwe a tlile ntle kua, ba ka be ba nyakile go ntšea go ya lefelong la digaswi, ba nagana go na le yo mongwe a gafago ntle ka dithokgweng. Eupša ke be ke le e ka ba dimaele tše masometharo tlhano goba

masomenne go tloga go tllhabologo. Ke be ke le noši le Morena, ke na le nako ye botse.

¹²² Ke lebeletše godimo, gomme ke bone seo, gomme ke naganne, “Ya, molalatladi wola.” Modimo o file woo go Noage. “O be a lebega boka molalatladi bjalo ka letlapa la jasepere le saritine. Wa pele, wa mafelelo, Yo a bego a le gona, yo a lego gona, gomme a tla tlogo, Modu le Lehlogedi la Dafida, Naledi ya Moso.” Gomme ke ile go dikologa le go dikologa mohlare gape, feela ka maatla ka fao ke bego ke kgona go ya, ke no goelela ka godimo ga segalontšu sa ka.

¹²³ Gomme sehlorana se sennyane sa kgale sa mopphaene, ga ke tsebe ge eba lena banešu le kile la bona se tee goba aowa, eupša sehlorana se sennyane sa kgale sa mopphaene se be se dutše godimo kua godimo ga kutu. O thomile, “Tšha, tšha, tšha, tšhara, tšhara, tšhara, tšhara,” boka o be a eya go nkgeretlanya diripana. Ke naganne, “Moisa yo monnyane o thantshetšwe ka eng?” O be a no dira tšhara bjalo.

¹²⁴ Gomme ke lebeletše godimo fale, gomme ke naganne, “Mohlomongwe o a ntšhoga.” Gomme kafao ke diregile go lebelela le go tšwela ntle go tšwa ka tlase fale, phefo e be—e be e gapeleditše ntšhu ye kgolo fase. Gomme ntšhu ye kgolo yela, ge e tšwela ntle, seo ke se sehlorana se sennyane se bego se gobola sona. O tabogetše ntle go lekabe ka mokgwa *wola*, gomme sehlorana se sennyane se tabogetše morago ka go tšhara tšhara ya sona.

¹²⁵ Ka lebelela ntšhu ye kgolo yela. Ka gopola, “Bjale, Morena, a ke tšhošitše ntšhu yela ntle ga fale, ke be ke goelela godimo?” Kafao ke mo lebeletše gomme ke naganne, “Bjale, O mmeile fa pele ga ka, go bona, bakeng sa se sengwe. Ga ke tsebe gobaneng O tlišitše ntšhu yela pele ga ka.”

¹²⁶ Ke tšwetšepele ke mo lebeletše. Oo, o be a le ye kgolo, nonyana ye kgolo bogolo. Gomme ke lemogile mahlo a gagwe a magolo a go lebega belebete a lebeletše tikologong. Ke naganne, “Gabotse, go ne selo se tee ke se ratago ka wena, šaatena: ke gore, o bogale, ga o tšhoge.” Gomme ka gopola, “Ka baka la eng o sa tšhoge? Seo ke se ke nyakago go se tseba. Ka baka la eng o sa tšhoge? A ga o ntšhoge?” Gomme ka mo lebelela, le a tseba, gomme o be a tla tlharamollela wona mafofa morago le pele, le a tseba, le go sepelela morago le pele godimo ga kota yela, a lebelela go dikologa. O lebelela sehlorana sela sa mopphaene le go ntebelela. Ke rile, “Šaatena, o a tseba nka go thunya?” O nno lebelela godimo go nna le go ya pele, o a tseba, o tampela morago le pele. O be a sa mo tshwenye kudu.

¹²⁷ Gomme ka gopola, “Ka baka la eng gore o—gore ga o tšhoge?” Ka gona ke diregile go re, “Bjale, ke ya go ithuta, Morena, gobaneng e le? Bjale, ke Go bona kua ka go molalatladi; ke be ke ekwa mohlape wa phiri; ke Go bona mošola ka go dikeleng ga

letšatši. Gobaneng? A O ka go ntšhu yela?” Gomme ke lebeletše moisa yola gannyane nthatana. Ka gopola, “Ee, lebaka le a sa tšhogego, o—o sepediša wona mafofa morago le pele. Modimo o mo fa para ya diphego, gomme o a tseba gore pele nka hwetša raborolo yela ka seatleng sa ka, o be a tla be a le ka go tšona dintlhora tša mehlare, gomme ke be nka se tsoge ka kgona go mo thunya.” Ke rile, “Letago go Modimo.” Ke bile le tlhaselo ye nngwe. Fa ke thomile go kitima. Ke naganne, “Yeo ke nnete. Ge feela o ka kgona go kwa Moya wo Mokgethwa go go dikologa, phapano ke eng e diregago? A nke se sengwe le se sengwe se ye, e ka ba eng e ka bago. Feela ge o ka kgona go O kwa go dikologa, o a tseba O mo.”

Yo mongwe o rile, “Ngwanešu Branham, a ga o boife o tla dira phošo bošego bjo bongwe?”

Ke rile, “Aowa, e sego ge feela ke kgona go Mo kwa, aowa, mohlomphegi, ge A tloga, ke tla tlogela sefala, eupša ge feela A le fale.”

¹²⁸ Ke šeditše moisa yola metsotso e se mekae. Ke no tloga go thuto ya ka fa, eupša ke nyaka go le botša se. Ge ke mo šeditše fale gannyane nthatana, morago ga lebakana o ile a lapa go theeletša sehlorana se sennyane sela sa kgale sa mophaene, “Tšhara, tšhara, tšhara, tšhara.” Gomme o nno dira motabogo wo mogolo bogolo ka mokgwa *wola*; o be a le thwi godimo ka godimo ga tšona dintlhora tša mehlare, mepokapoko e se mekae ka diphego tša gagwe. Gomme ga se nke a pokapokiša diphego tša gagwe nako ye nngwe, o nno tseba mokgwa wa go bea diphego tša gagwe. Gomme ke mo šeditše. Nako le nako ge phefo e be e etla ka gare, o be a namelela godimo. Nako le nako ge phefo e be e etla ka gare, o be a tla namelela godimo. Go no tšwelapele go ya pele le pele le pele le pele, go fihla a eba tshetlana ye nnyane.

¹²⁹ Ke eme fale le go goelela bogodimo bja segalontšu sa ka. Ke rile, “Ee, Morena, yeo ke yona; yeo ke yona. Ga se go taboga le go tšoena Methodist, le morago go Baptist, le godimo go Presbyterian, godimo go Pentecostal, Assemblies, Oneness, gohle go dikologa ka mokgwa woo. E no ba go bea diphego tša gago.” Haleluya! Yeo ke nnete.

¹³⁰ Ga se go kitima go tloga kopanong e tee ya phodišo go ya go ye nngwe. Ga se go kitima go tloga ofising ya ngaka go ya go ye nngwe. Ke go tseba ka fao o beago diphego tša gago tša tumelo ka go maatla a Moya wo Mokgethwa; nako le nako ge O namelela ka gare, o namelela godimo ga Wona go fihla o kgona go tlogela lefase le la kgale la go tlala tšhara, tšhara, tšhara. Sehlopha se sa kgale seo se rego, “Matšatši a mehlolo a fetile,” gomme, “Ao e be e le a batho kgalekgale”: namelela ka godimo ga yona. Nako le nako ge Moya wo Mokgethwa o phephesela ka gare, swara diphego tša gago ka go Wona gomme o sepelele pele ka ntle ga pono, godimo ka magodimong a Legodimo. Tlogela *semangmanang*

yola wa go tlangwa ke lefase, a dutšego morago fa gomme a re, “Gabotse, ke a dumela matšatši a mehlolo a fetile. Ke a dumela batho bale ba no ba go hlakana bjaša bao ba naganago seo.” E no namelela godimo ga yona. Amene. O se ke wa pokapoketše le go taboga, e no bea diphego tša gago. A nke Moya wo Mokgethwa o go topele godimo, o go topele godimo, o go topele godimo. E no tšwelapele o eya, go fihla o le ka ntle.

¹³¹ Ya, letšatši le lengwe godimo kua ke be ke diša dikgomo. Ke diregile go se hlokomele ka n- . . . , goba, selo se sengwe ka ntšhu: Mme ntšhu wa kgale ge a dira sehloga sa gagwe, o se dira ka diphata tše kgolo le dilo, gomme go a nkgaga go dikologa setee.

¹³² Kafao ge dintšhu tše dinnyane di ithuta go fofa, ke be ke hlokometše, ke be ke kgokile, ka bea ditomo tša pere ya ka go dikologa lekala, gomme ka ya godimo. Ke be ke na le diferekeikere tše dingwe ke nno bogela. Ke bone mme ntšhu yola wa kgale godimodimo kua; o be a dira se sengwe, a pokapoketša go dikologa ka moyeng. Ke rwele digalase tša ka go yena le go mo šetša, gobane re be re tliša dikgomo fase. Gomme ke lebeletše godimo ka fale, gomme ke mmone, ka fao a bego a ntšhetša bona ba bannyane ntle. Gomme o tšwetšepela a tomola tšona dintšhu tše dinnyane tša kgale go dikologa le go dikologa godimo fale.

¹³³ Gomme morago ga lebakana, o di tlišitše tšohle godimo ga diphego tša gagwe; gomme o nno di topa go tšwa go sehloga sela sa kgale sa go nkgaga, gomme o ile tlase ka moeding, gomme o beile diphego tša gagwe tše kgolo fase ka mokgwa *wola*, gomme ge a dirile, tšohle dintšhu tše nnyane tšeo tša tloga gomme tša thoma go sepela go dikologa kua. Lekga la mathomo di kilego tša tsoge tša ba le maoto a tšona bjanyeng, nna, ge di be di sa ipshine. Ke rile, “Morena, ge yeo e se tšošetšo ya fešene ya kgale ya Moya wo Mokgethwa, ga se nke ka ke ka bona e tee bophelong bja ka.” Yeo ke nnete. Ke rile, “Di lebelele!”

¹³⁴ Go tšwa go sehloga sela sa kgale sa go nkgaga godimo fale, le a tseba, moo monkggo le dinkgi le dilo tša kgale, yeo ke tsela ye Modimo a dirago. O go kukela godimo ga diphego tša ntšhu, gomme a go rwalela ka ntle ga dilo tša kgale tša go nkgaga tša lefase go ya ka lefelong le moo dilo tšohle di kgonegago, go lokologa ka mo o kgonago go ba. Amene.

¹³⁵ Ka gona ke di hlokometše di kitima go dikologa, di swara mothamo wo monnyane wa bjang *mo*, le go kitimela godimo, go swara mothamo wo monnyane *mo*, le go bapala, go no ipshina, go se na kahlolo le gatee. Ke naganne, “Gabotse bjale, mme yola wa kgale o ya go dira eng?”

¹³⁶ Ka morago ga ge a bone ba bannyane ba gagwe ba thoma go bapala gabotse ka kgonthe le go ipshina, o beile diphego tša gagwe gape, gomme o ile thwi godimo go leswika la godimodimo le a kgonnago go le hwetša. O dutše godimo kua gomme a kotama ka boyena, a thoma go lebelela go dikologa. Oo, nna.

Ke naganne, “Yeo ke nnete. Ge Morena Jesu a ntšere go tšwa go leraga la go thelela gomme a mpea godimo ga Leswika, Kriste Jesu, O nametše maboto a Letago, a dutše godimo, a šeditše fase. Leihlo la gagwe le godimo ga phorogohlo, gomme ke a tseba O ntšheditše.” Ga go tsheny, ga go kotsi, ga go selo gape se ka diregago, ge feela re le ka Bogoneng Bokgethwa bja Gagwe. Amene. A nke go tle, a nke go sepele se se ka dirago; le lehu ka bolona le lahlegetšwe ke lebola la lona. Gobane O eme mošola ka Letagong bošegong bjo; mahlo a Gagwe a šeditše kopano ye go bona feela tlwa se se tla diregago, ge ba bannyane ba Gagwe ba sa kgobokana mmogo go dikologa terone ya Modimo, ba hlalala ka go Lentšu la Modimo, ba goelela ka Bogoneng bja Modimo, oo, nna, go se šetše selo.

¹³⁷ Bona baisa ba bannyane ga se ba lebelele selo. Šaatena, o lesa khoyote go thoma go leba go e tee ya tšona, o tla hwetša go phupšha go go šiišago a kilego a ba le gona ka bophelong bja gagwe. Amene. Oo, nna.

¹³⁸ Gomme ge a dutše godimo kua, nako yeo morago ga lebakana, ke dutše kua e ka ba diiri tše pedi ke mo šeditše. Phefšana ye nnyane ya leboa e tla go kgabaganya, mothalo wo monnyane wo motala, o tla godimo ka pela, ledimo le etla. Gomme ge a ntšhitše kgoeletšo, ge a tlogetše sehlega sela godimo fale, o fofetše thwi tlase ka mokgwa *wola*, a ntšha kgoeletšo e tee, gomme tšona tšohle dintšhu tše nnyane gohle godimo ga mo—mo mohlaka wo monnyane fale tša thoma go kitima. O lahletše diphego tša gagwe ntle ka mokgwa *wola*. Ye nngwe le ye nngwe ya tšona dintšhu tše nnyane di nno kitima le go tabogela godimo ga lefego, tša bea molomo wa tšona wo monnyane go dikologa lefofa ka mokgwa *woo*. O phagamišitše diphego tšela tše kgolo tša makgone, gomme ledimo lela le etla go thega thaba yela le goelela dimaele tše masometshela ka iri. O ile feela thwi leswikeng bjalo ka ge a kgonne le go ba iša bokhutong.

¹³⁹ Ke naganne, “Ee, a mangwe a matšatši a, go tla tla kgoeletšo go tšwa godimo; Morena Jesu o tla tla le go phatlatša pele diphego tša Gagwe tše kgolo, gomme bohle ba bannyane ba Gagwe ba tla tabogela godimo ga matsogo a sefapano sa kgale sa makgwakgwa, gomme re tla rwalelwa ka polokegong ya letšatši le le tlogo la Gagwe go fihla ge ledimo la bophelo le fedile.” Oo, a semaka ge o ka lebelela go Modimo, go tlhago ya Gagwe.

¹⁴⁰ Dafida o be a bone se gomme o tsebile gore Modimo o be a le, gomme Modimo o be a tla namolela. O be a bone Modimo ka tlhagong ya Gagwe. Kafao o rile, “Mphe seragamabje se sennyane se. Ke se lekile. Seo ke selo se nnoši ke tsebago e ka ba eng ka sona, ke seragamabje se.”

¹⁴¹ Gomme seo ke sohle modumedi a tsebago e ka ba eng ka sona, “Seo Modimo a se boletšego bjalo, gomme se ke seragamabje sa kgale. Ke tla Le tšhepa nako efe kapa efe, kgahlanong le e ka ba

eng ye diabolo a ka kgonago go e bea ntle,” (Amene!) “ke Lentšu la Modimo.”

Lentšu la Modimo le nnoši le tla feny a Sathane lefelo e ka ba lefe, nako e ka ba efe, go maemo e ka ba afe, ge monna goba mosadi a ka leka go Le tšea, Modimo, go Lentšu la Gagwe. Amene.

Gomme ke kgona go mmona nako yeo, bjalo ka ge a rile, “Gabotse, eya pele. Morena a be le wena.”

¹⁴² O obeleditše tlase kua le go itsomela ntle ka moeding wa kgale le go ikhweletša maswika a mannyane a mahlano, gomme o a beile ka mokotleng wa gagwe wo monnyane wa sebeba sa letlalo. O beile le tee fase ka go seragamabje sa gagwe le go sepelela ntle kua go kopana le Goliate. Gomme Goliate a mo lebelela gomme a re, “A ke nna mpša?” Ka baka la eng, a mo rogaka ka leina la medimo ya gagwe. O rile, “Ke tla go tšea, wena yo monnyane wa go lebega bosehla, mopshikologimokgethwa, wena, gomme ka hlaba lerumo le ka go wena, le go go lekeletša godimo mo le go dira dinonyana di go je lebakana.” Ee, mohlomphegi.

O re, “Dafida o be a se mopshikologimokgethwa.” Ee, o be a le; se o se bitšago mopshikologimokgethwa.

Ge Areka ya Morena e thoma go tla ka gare, o ile ntle le go bina pele ga Areka feela ka maatla ka fao a kgonnego; gomme mosadimogatša wa gagwe o dirile metlae ka yena.

¹⁴³ O rile, “Ga o rate seo, bogela se.” Gomme tlase le go dikologa le go dikologa le go dikologa le go dikologa Areka o ile gape. Ge yoo e se mopshikologimokgethwa wa sebjalebja, ga se nke ka ke ka bona o tee bophelong bja ka. Kgontho o be a le. Amene.

Yo mongwe o rile, “Ngwanešu Branham o na le bjo bongwe bja bjo fao mohuta wo moswa wa bodumedi, a ga o?”

Ke rile, “Aowa, ke na le kelo botse ya mohuta wa kgale.” Amene.

O rile, “Ke rile, ke ra bodumedi bjola bja go goelela.”

¹⁴⁴ Ke rile, “Bjoo ke bodumedi bja kgalekgale bo kilego bja tsebja.” Ke rile, “Modimo o botšišitše Jobo, ‘O be o le kae ge Ke bea mothe wa mafase, ge dinaledi tša moso di opela mmogo, gomme barwa ba Modimo ba goelela ka lethabo?’ mengwaga ye dikete tše lesome pele lefase le ka tsoge la bopša.” Amene. Le ya go mpitša “mopshikologimokgethwa” go le bjalo, kafao le wena o ka no ba komana, wa e tlwaela.

¹⁴⁵ Hlokomelang, baena, a nke ke le botše se sengwe. Dafida o tsebile, gomme o hweditše seragamabje sela sa kgale se phuthetšwe godimo. O ile ntle, gomme o rile, “O kopana le nna bjalo ka Mofilisita, ka leina la Mofilisita, ka tlhamo le ka lerumo, eupša ke kopana le wena Leineng la Morena Modimo wa Israele wa sona sešole seo o se nyaditšego.” Gomme o rile, “Letšatši le

ke tla neela setoto sa gago go dinonyana le diphoofole tša naga. Gomme ke tla tšea nama yohle ya Bafilisita ba . . .” Morago o . . . gomme moisa wa kgale o thomile ka morago ga gagwe.

¹⁴⁶ Bjale, lebelelang Dafida, ge a kitimela godimo ga noka ye nnyane ye, a kgabaganyetša godimo go kopana le yena. Gomme ge a dirile, o be a na le eng ka seatleng sa gagwe? Sese se Dafida a bilego le sona: O bile le maswika a mahlano, T-U-M-E-L-O [Ka Seisimane: F-A-I-T-H—Mof.], ka menwana ye mehllano a phuthetšwe go dikologa J-E-S-U [J-E-S-U-S].; šo o a tla, maswika a mahlano ka menwana ye mehllano; tumelo ka go Morena Jesu. Gomme leswika lela le ile thwi go legata la tšitširipa yela ya kgale, gomme Dafida o mo ketotše, gomme a kgaola hlogo ya gagwe. Gomme ge a dirile, o lebeletše go dikologa; gomme bohle ka moka ga bona ba bone se se dirilwego, ba tšere tlhohleletšo gomme ba goga ditšhoša tša bona gomme ba thoma go lwantšha Bafilisita lebotong, ba ba ripetše fase.

¹⁴⁷ Fa mengwaga e se mekae ya go feta, ge la mathomo ke thoma, go be go se yo mongwe a rerago ka phodišo Kgethwa. Ge ba bone Congressman Upshaw le ba bantši ba bona ba fodile, ke a le botša: Mapresbyterian, le Mamethodist, le Assemblies of God, le bohle ba bona, ba bile le o tee; gomme ba bangwe ba bile le o tee; Church of God e bile le o tee; Oral Roberts; gomme ye nngwe e bile le yo mongwe gape; gomme ngwanešu re be re ripa Bafilisita go tloga go la go ja go ya go la nngwe. Haleluya! Gobane pelo ye nngwe le ye nngwe e tšea tutuetšo bošegong bjo, gomme seripa ga se nke sa boletwa. Ka gore Jesu Kriste, Morwa wa Modimo, o tšhepišitše.

Ke eng ka seatleng sa gago bošegong bjo? E ka ba eng o e swerego, e šomiše bakeng sa letago la Modimo.

¹⁴⁸ Ke kgona go bona moisa tlase kua ka leina la Simisone. O ile ntle kua letšatši le lengwe, gomme Bafilisita ba be ba dirile tshenyo ye nnyane godimo kua; o tlemile mosela wa diphukubje mmogo, gomme a tšhuma mahea a bona ohle. Kafafo Baisraele bale ba tlile le go mo tšea, ba rile, “Re swanetše go go gafela go Bafilisita.”

¹⁴⁹ Gomme ba mo tšeeetše godimo kua, le go mo tlema ka dithapo tsoko, le go mo tliša tlase kua. Gomme Bafilisita ba be ba eya go mo swara gampe, gomme ge a dirile, Moya wa Morena o tlile godimo ga gagwe. Amene. Seo ke se se dirilego phapano. Ge a ikwetše Moya wa Morena o etla godimo ga gagwe, o be a se ne selo ka seatleng sa gagwe. Gomme o lebeletše fase gomme fale go letše lerapo la mohlagare wa moula. Gomme o topile lerapo lela la mohlagare ka seatleng sa gagwe gomme a bolaya sekete sa Bafilisita. Amene. Seo ke sohle a bilego le sona.

¹⁵⁰ O be a se a swanela go ya pele le go re, “Bjale, ema. A nke ke tšeele lerapo le la mohlagare fase gomme a nke ke le leke gomme ke bone ge eba le tla emela kgatelelo goba aowa.” O be

a se ne nako go nagana ka dilo tšela tšohle. Tšhoganetšo e be e kгатlampana. Bafilisita ba be ba le godimo ga gagwe. Selo se nnoši a kgonnegogo se dira e bile go topa lerapo la mohlagare le go lwa. Seo ke sohle se bilego.

¹⁵¹ Gomme bošegong bjo, ga o na le nako ya go tšhaba le go naganišiša ntle dilo tšohle tše. Tsošetšo e tla be e fedile gosasa bošego. A re tšeeng Lentšu la Modimo, Leo le lego ka seatleng sa gago, a re lweng le lenaba la rena la go hwa. Amene.

Modimo o mo fa phenyo.

¹⁵² Go be go le moisa yo monnyane wa kgale tlase kua ka Beibeleng ka leina la Samogara. Ebile o ka no se tsoge wa mo lemoga ka go Puku ya Baahlodi, feela moisa yo monnyane wa kgale. A re tšeeng terama ye nnyane go yena.

¹⁵³ Ke kgona go mmona godimo kua, moisa yo monnyane wa go šokiša. E be e le nako ge yo mongwe le yo mongwe a dirile se ba bego ba se nyaka. Gomme Israele e be e se ne kgoši. Bohle ba be ba ahlogane, ba arogane, dihlopha tše dinnyane, feela e ka ba boka kereke e le lehono.

¹⁵⁴ Ye tee ke Assembly. Ye nngwe ke Church of God. Ye nngwe ke Oneness. Ye nngwe ke Baptist. Ye nngwe ke Presbyterian. Ye nngwe ke Methodist. Oo, nna. Ge re sa e rate *fa*, re ya godimo *fa*, le godimo *fa*, le godimo *fa*, le . . . Oo, nna. Ga—ga—ga ke e hwetše, nnamong.

¹⁵⁵ Gomme ka gona ge ba etla ka kua. Gomme oo, se ba se hlokilego e bile . . . feela se ba se hlokilego nako yeo, e bile bja fešene ye botse ya kgale, mohuta wa bolokologi; ke se re se hlokago lehono (Amene.), kereke morago go tumelo ya Modimo yo a phelago, morago go tshepišo ya Modimo, morago go letago la Modimo, morago go maatla a Modimo.

¹⁵⁶ Samogara o be a na le dilo tšohle tša gagwe di beilwe godimo, korong ya gagwe, boka a dirile ngwaga wo mongwe le wo mongwe. Gomme e ka ba ka nako ye a bego a dira puno go bewa godimo, ka gona go latela go be go tla tla Bafilisita le go e tšea go tloga go yena. Yeo e no ba tsela ye diabololo a dirago. Feela ka ga se diabololo a se loketšego. Feela e ka ba ka nako ye o hwetšago tlhohleletšo ye nnyane e agilwe, goba se sengwe gape, ka gona mmogo go tla diabololo gomme a e tšea go tloga go wena. Yeo ke therešo.

¹⁵⁷ Go no swana le tsošetšo ye e kгатlampanago bjale. Feela e ka ba ka nako ye o e hwetšago e thomile, gomme letago la Modimo le thoma go wa, nako yeo setswialegotlo tsoko se swanetše go tla godimo, le go dira se sengwe seo se sa lokago, le go tloša letago go selo.

¹⁵⁸ Fa e se kgale botelele, ke ile tlase, fa go be go le yo mongwe wa dikgaetšedi tša rena tša Bakriste, a pentilwe boka Isebele. Ke rile, “Bothata ke eng?”

O rile, “Gabotse, letago go Modimo.” O rile, “Modiša wa ka o mpoditse e be e le bolokologi bja basadi.”

¹⁵⁹ Bolokologi bja basadi! Bothata ke eng ka lena? Ga go selo se sebjalo ka seo. Kriste o go lokolotše go tšwa sebeng, gona dira boka yona gomme o apare boka yona. Ke nako kereke e agwe godimo le go hwetša go thoma go gobotse, gona se sengwe boka seo se dutše ka gare. Ee, mohlomphegi.

¹⁶⁰ O rile, “Gabotse, ke a go botša.” O rile, “Modiša wa ka o mpoditse nka kgona go dira sohle se . . .” Gomme o bile le pente ye e lekanetšego go penta ntlopolokelo. Menwana ya gagwe—ya gagwe e be e lebega o ka re o be a eja segoba sa kgomo sa go se apeuwe le madi godimo ga manala a menwana ya gagwe.

Ka gopola, “Mosadi, ga o lebelelege bjalo ka Mokriste go nna.”

¹⁶¹ Theetša, mohumagadi, o se dumelele mohuta woo wa ditšiebadimo go tšhollelwa go theoga mogolo wa gago. Taba ye botse ya fešene ya kgale ya kolobetšo ya Moya wo Mokgethwa e tla tloša yeo go wena feela tšwa boka . . .? . . . Nnete. E no elelwa o lobile mobu felotsoko. Ga ke kgathale se moreri yola wa mosadi . . . O be a se a hlomamišwa ke Modimo, ke tla le botša seo lefelong la pele. Yeo ke nnete. Go kgahlanong le Lentšu.

Theetšang. Ga se gwa ke gwa ba eupša mosadi yo motee ka Beibeleng yo a kilego a ipenta yenamong godimo go kopana le monna, gomme yoo e be e le Isebele. Modimo o mo lešitše dimpša.

¹⁶² Kafao ge o bona mosadi a pentilwe gohle. O no re, “Go bjang, Mohumagatšana Nama ya Mpša.” Seo ke se Modimo a se dirilego go tšwa go yena, feela nama ya kgale ya mpša. Kafao le se iše šedi e ka ba efe go seo; seo ke sa diabololo; nnete. Moo a swanetšego go ba: go hlweka le go itshwara boka . . . Boka Jakobo a boletše go mosadimogatša wa gagwe le morwedi: “Itireng lenabeng boka se le swanetšego go ba.” Amene.

¹⁶³ Se re se hlokago bošegong bjo, ke ye botse ya fešene ya kgale, tsošeletšo ya Moya wo Mokgethwa, o rerilwego morago ka maatla a Modimo a sepelela ka gare le ka ntle magareng ga kereke, gomme setatšhe le dikholoro di tšeešwe fase. Haleluya! Ee, mohlomphegi. Seo ke se re se hlokago. Ee, mohlomphegi, go lokile.

¹⁶⁴ Samogara wa kgale tlase fale, e ka ba ka nako ye a hweditšego se sengwe se agilwe, gona se sengwe boka seo se swanetše go direga. Yeo ke tsela kereke, ge tsošeletšo e thoma, gona se sengwe boka seo se swanetše go tsoga. Ngwanešu, e no rera ya fešene ya kgale . . .

¹⁶⁵ Gabotse, re be re fela re eba le dinku tše ntši ka nageng ya rena. Gomme ba be ba na le mpša ya go bolaya nku; re e swere ka wulu ka menong a gagwe, re tšere šotekane ya kgale, bobedi diparele, gomme ra e retollela godimo ga gagwe. Ngwanešu seo

ke selo go se retollela go wona mohuta wa mathaka ke šotekane ya kgale, bobedi diparele tša yona. Ke a le botša, e tla otlolla dilo. Nnete e tla dira; e tla emiša go bolaya ga dinku tša gago. Amene. Ke be ke sa tsebe ke be ke eya go bolela seo, eupša le ka no elelwa seo. Go lokile, naganang ka yona.

¹⁶⁶ Nna, gomme fao, e ka ba ka nako ye a bilego le korong ya gagwe ka gare le se sengwe le se sengwe, fa go tla Bafilisita ba bagolo ba kgale ba go nona, godimo le go e tšea go tloga go yena. Thwi go rotoga tsela, go mo amoga.

¹⁶⁷ Letšatši le lengwe, o ile a no dira mabele a gagwe ka moka a robale ka gare gomme ohle a fotšwe. O be a le fao, moisa yo monnyane wa go šokiša; o eme tlase kua ka sešegong, o be a lebeletše tikologong. O rile, “Gabotse, mme, mohlomongwe mohlomongwe re tla . . . re ka phela marega a, rena le digotlane.” A lebeletše tikologong.

¹⁶⁸ Gomme selo sa pele le a tseba o diregile go kwa se sengwe se etla godimo tseleng, “Phašaka, phašaka, phašaka, phašaka.” Fa go tla banna ba makgolotshela ba itlhamile, ba apere dihelemete tše kgolo tša kgale tša mphiri, dieta tša bona tše kgolo tša kgale tša tshipi, marumo a bona ka seatleng sa bona, ditšhoša tša bona tše kgolo di lekeletše lehlakoreng la bona, ba etla godimo tseleng, go tšea puno ya gagwe go tloga go yena.

¹⁶⁹ Ke kgona go bona Samogara yo monnyane a re, “Oo, nna. Lebelela fale. Še e tla gape.” O lebeletše godimo go mosadimogatša wa gagwe yo monnyane wa go šokiša. O be a le fale, dijabana tša roko ya gagwe ntle. Bana ba bannyane šebao, ba lebega go ota ka kgonthe gobane ba be ba se ne selo go ja. Bafilisita ba be ba se tšere.

¹⁷⁰ Seo se nyakile go swana le ba bangwe ba Bakriste ba lebegaago bošegong bjo. Selo sa go lebega go fokola go bitšwa modumedi, Mokriste wa go tswalwa gape. Amene. Go se tumelo ya go lekanela go go tšeketša *i* ge e be e le enke. Yeo ke nnete. Oo, nna.

¹⁷¹ Le se dumelele diabolo go tla godimo le go tloša letago la Modimo ka kerekeng, la romela modiša wa lena kgole le go mo tlogela a hwetša tšohle tše mo diD.D. le go tla morago, le go ema le go re “amene” boka namane ye e hwago. Se o se hlokago ke bja fešene ya kgale, bja morago ga sekgwa, bja talalerata, bodumedi bja go bolaya sebe bja moreri, yo a tla rerago therešo le go ema godimo ga se Modimo a rilego seo ke therešo, le go lokolla batho. Amene.

¹⁷² Ga ke sehlogo. Ga ke re go ba, eupša ngwanešu ke nako re tliše . . . dirile boso, “boso,” bošweu, “bošweu.” Ee, mohlomphegi. O tla hwetša Modimo ka kampeng ya gago, gomme o tla kwa mokgoši gape ka kampeng ya Kgoši, ge o dira selo se lokišwe. Amene.

173 Bjale, hlokomelang. Gomme fa go be go le Samogara yo monnyane wa kgale a eme, a lebeletše ntle ka lefastere, Bafilisita šeba ba a tla. O rile, “Oo, mme, lebelela fale.”

174 Mosetsana wa gagwe yo monnyane wa go šokiša a lla. Ke kgona go mmona a bea diatla tša gagwe fase, a re, “Papa, re ka se be le selo go ja marega a.” Gomme ka gona ke hlokomela mme, gomme šole o thoma go lla.

175 Le a tseba, Samogara o lebeletše tikologong. O be a no se tsebe a dire eng. O lebeletše tikologong. O rile, “Nka se kgone go lwa. Ga se nna molwi, gomme ga—ga ke na le nako ya go ya ka ntle, le go ithuta mokgwa wa go lwa, le go tšea maitšhidullo ohle a le dilo. Ga—ga ke ne nako go dira seo.”

176 Eupša o diregile go lebelela, khoneng go be go dutše, go be go eme lehlotlo la kgale la dipholo. Le tseba se lehlotlo la pholo le lego? Ke lepara le legolo la kgale ka ntlha ya mphiri godimo ga lona go itia. . . go thoba dikgomo go kgabola keiti ka lona, bakeng sa selo se tee, gomme ka gona ba ušetša leraga go tloga mogomeng ge ba be ba lema ka ona. Lehlotlo la kgale la pholo le robetše fale, seo e be e le selo se nnoši a kgonneggo go se bea ka seatleng sa gagwe. Eupša le a tseba ke eng? Ga ke re o ile a befelwa, eupša bogale bja gagwe bja toko bo emeletše. Ee, mohlomphegi. Ngwanešu, ke tla go botša o otl- . . .

“Ke eng e lego ka seatleng sa gago?”

177 “Ga go selo eupša lehlotlo la pholo.” Gomme o rile, “Ga se nna molwi. Nka—nka se kgone go dira se. Ga—ga ke na tlhahlo ye itšego.” Eupša o be a se ne nako go dira tlhahlo e ka ba efe. Selo se nnoši a se hlokilego e bile Moya wa Modimo go yena. O tabogetše ntle ka lefastere lela ka Moya wa Modimo godimo ga gagwe gomme o tšere lehlotlo lela la pholo gomme o bolaile Bafilisita ba makgolotshela. Amene.

178 Se re se hlokago lehono, ga se go ya kgole ka seminarang le go ithuta ge eba Mareka 16 ke nnete goba aowa. Ngwanešu, batho ba a hwa. Selo se re swanetšego go se dira ke go tšwela ntle thwi bjale. Ga se ge eba o tla lwa goba aowa; ke go tsoga. Ee, mohlomphegi.

179 O tsebile gore o be a le Mofilisita. O tsebile gore bona e be e le mašoboro a Bafilisita. Ka kgonthe bjalo ka ge ke tseba bolwetši bjola, ge feela o tseba o ne bothata bja pelo, e ka ba eng bothata bja gago bo lego, re a tseba ke bja diabololo. Gomme o tsebile gore o be a le Moisraele. O tsebile gore o be a boloditšwe. O tsebile o be a na le tokelo go tshepišo. O tsebile gore Modimo o be a tla tshepiša go mo šegofatša. Kafao o ile a befelwa gohle ka yona, gomme a topa lehlotlo la pholo, gomme a ya mošomong.

180 Se re se hlokago bošegong bjo, ke go dumela, ngwanešu wa ka, gore o ngwana wa Modimo, gomme o na le tokelo go yona, gomme tshepišo ke ya gago. E ka ba eng e lego ka seatleng sa gago, e tope, eya go bolaya diabololo go tloga lehlakoreng le tee go

ya go le lengwe. Amene. Gomme o tla hwetša gore mafofa a tla ya go fofa, diabololo o tla fenngwa, gomme o tla tšwelela o feletše gape.

¹⁸¹ Ke eng seo ka seatleng sa gago? O re, “Ngwanešu Branham, ga ke na le selo ka seatleng sa ka.” O ka no ba le karata ya thapelo. Lahlela selo mobung, gomme o tsoge Leineng la Jesu Kriste, le go re, “Ke tšea Kriste bjalo ka Mofodiši wa ka bošegong bjo.” Haleluya!

¹⁸² O ka no ba le katikasema ye nnyane e kgomaretše godimo ga letsogo la gago, gomme o nyaka go ntlhodišiša go bona ge eba ke a rereša goba aowa. Lahlela selo kgole, gomme o tsoge ka Leina la Jesu Kriste, le go kolobetšwa ka Moya wo Mokgethwa, le go ya pele ka kampeng. Amene. Ee, mohlomphegi. O ka no ba le sehlopha sa dithutotumelo tše nnyane o swanetšego go di bušeletša mosong pele o eya kerekeng, le go ithuta tšona, gore o kgone go di bolela. Lahlela selo kgole gomme o hwetše go tlatšwa ga pelo ka Moya wo Mokgethwa. Amene. Lahla selo gomme o tšee se se lego ka seatleng sa gago. E ka ba eng e lego ka seatleng sa gago, e tšee, gomme o dire bokaonekaone o kgonago ka yona bakeng sa letago la Modimo. Amene. Nna mmalo. Ke be ke. . . Še yona, oo, iri ya lesome go nyakile. A re rapeleng.

¹⁸³ Tate wa rena wa Legodimong, ga go bontši ka seatleng sa rena; eupša Modimo ga se se lego ka seatleng sa rena, ke se O ka kgonago go se bea ka seatleng sa rena. O Modimo, re hloka tumelo bošegong bjo. Tšea molaetša wo monnyane wo bošegong bjo, Morena, gomme o o bee ka pelong ya modumedi yo mongwe le yo mongwe, le go ba dira ba tsebe gore ga go kgathale motho o fokola bjang, ba sa ne Kriste kgauswi. Gomme ke a kgopela gore O tla fa ditšhegofatšo tše, wa phološa balahlegi, wa tlatša ka Moya wo Mokgethwa bao ba lego ka ntle ga Kriste, le go hwetša letago go tšwa tirelong. Ka Leina la Jesu, ke a e kgopela.

¹⁸⁴ Ka dihlogo tša lena di inamišitšwe, ke a makala ge re sa dira pitšo ye ya aletara nakwana feela. . . Ke a tseba ye ke ya fešene ya kgale, ya magwakgwa, ya go pitlwa fase, thero ya go gadikwa, botala ka mo e kgonago go ba, eupša ngwanešu o a e hloka nako ye nngwe. Yeo ke nnete. O a e hloka.

¹⁸⁵ Bjale, ke a makala ge eba go ne e ka ba mang fa bošegong bjo, e sego ka kanegelo tsoko ya go šokiša go lla le go ya pele. . . Theetsang. Go tla ba batho ba bantši ba forilwego go seo go feta e ka ba eng ke tsebago ka yona. Ga ke ye Legodimong gobane mme wa ka o ile kua. Ke a ya gobane Jesu Kriste o hwile gore ke kgone go ya kua. Ke nyaka go bona mme wa ka, nnete. Eupša ke swanetše go tla go Kriste, e sego ka gobane mme wa ka o ile, eupša ka gobane ke tla bjalo ka modiradibe, go ipolela sebe sa ka, go amogela tsela ye e filwego ke Modimo. Yeo ke nnete.

¹⁸⁶ Bjale, a o, bošegong bjo, o re, “Ke nna modiradibe, moreri, gomme ke nyaka o nkgopole ka thapelong. Ke phagamišetša

seatla sa ka godimo go wena go kgopela gore o tla nkgopola ka thapelong bjalo ka modiradibe”? A le ka iša diatla tša lena godimo, kae kapa kae ka batheeletšing? Modimo a le šegofatše ka moka go dikologa. Nna, nna, nna. Godimodimo ka ntikodikong tikologong ya bophagamong, a e ka ba kae godimo kua? Ee, ke bona diatla tša lena. Tsela yohle go dikologa, Modimo o a di bona le yena. Ka kgonthe O a dira.

¹⁸⁷ Ka pela ka morago ga tirelo, ke nyaka le tle tlase fa le go dira boipolelo, go neela pelo ya lena go Kriste, gomme le direle Morena ka pelo ya lena yohle.

¹⁸⁸ Tate wa Legodimong, ge bošego bo golela pele, bana ba bannyane ba go babja ba dutše tikologong. Ke a rapela, morategi Modimo, gore dikgaogelo tša Gago di tla tšhollelwa ka bophara ka dipelong tša rena feela bjale. A nke sehlogo se sennyane se sa *Ke Eng Seo Ka Seatleng Sa Gago?* . . . Go Moshe, e sego selo eupša lepara la go oma; go Dafida, e sego selo eupša dithapo tše pedi tše nnyane ka seripa sa mokgopha ka go sona, seragamabje; go Simisone, e sego selo eupša lerapo la go oma la mohlagare wa moula (O Modimo!); Samogara, e sego p- . . . e sego selo eupša lepara la pholo ka seatleng sa gagwe, lepara ka seripa se sennyane sa mphiri mafelelong a lona, gomme o bolaile Bafilisita ba makgolotshela, a se mohlabani, a se molwi, eupša monna ka go kgwerano.

¹⁸⁹ O Tate wa Legodimong, a O ka se ke bošegong bjo, Morena, wa tšeela yo mongwe le yo mongwe ka seatleng sa Gago? E fe, Morena, gomme bula tumelo go pelo ya bona, gomme a nke Moya wo Mokgethwa wa Gago o dire ka go fetiša ka botlalo bošegong bjo, Morena, ge ba letile.

¹⁹⁰ Bošegong bja go feta, ke thabile kudu go Go bona o dira difofu go bona, le difoa go kwa, le badiradibe go tla go Wena. Gomme O Modimo, dilo tšohle tše kgolo tše tšeo O di dirilego, ba golofadi go phetlollwa le go tšwela ka ntle ga tšona ditulo, le go sepela go dikologa Leineng la Morena.

¹⁹¹ O Morena Modimo, O yo mogolo. Gomme re a Go leboga bakeng sa yona, gomme re a rapela gore O tla phološa yo mongwe le yo mongwe bošegong bjo yo a beilego diatla tša bona godimo. A nke ba se tsoge ba lahlega, eupša a nke bjo e be bošego bjo ba tla Go amogelago. Ka nnete lekgolo goba a mabedi ba bea diatla tša bona godimo, gomme ke a rapela gore O tla phološa yo mongwe le yo mongwe wa bona bakeng sa Jesu. Ka gore ke Leineng la Gagwe re a e kgopela. Amene. [Lefelo la go se be le selo godimo ga theipi—Mor.]

¹⁹² . . . Ba rometše Dibeibele tše milione tlase go Bajuda ba. Ba nno tla ka gare go tšwa tlase ka Iran fale, Iran, Iraq, le tlase ka dinageng fale. Le e badile, badile ka go tšona dikgatišobaka ka fao. . . ba tlišitšego dimilione tša Bajuda ka gare. Re bile le nako go ya ka go selo sa seprofeto. . . Gomme Bajuda bale ba

etla morago, ke ne seswantšho sa bona ba etla ka fale, moo ba se tšerego, go tšwa sekepeng, go tšwa go difofane, ba rwele dihlotša tša bona, le digole tša bona, le difofu tša bona.

¹⁹³ Kafao ba sepeletše godimo go bona. Monna yo a tšerego seswantšho se. Ngwanešu Arganbright le bona, ba ba lego gona mo ka kopanong, o be a tla ba botšiša, o rile, “Lena bohle le tla morago bakeng sa eng?”

“Ke nagalegae.”

O rile, “Gore le kgone go ba le lefelo la lenabeng, go hwela ka nagalegaeng.”

Ba rile, “Aowa. Re tla morago go bona Mesia.”

¹⁹⁴ Oo, lena barutiši ba seprofeto, ge feela le ka be le tsebile se seo se bilego. Ge Ebangedi ye e ka tsoge ya retologa go tloga go Montle go ya go Mojuda, Montle o fedile. Ke nako ya bofelo.

¹⁹⁵ Gomme kafao ba ba file Dibeibele. Ba rometše milione ka kua. Bajuda bale ba thoma go bala ditestamente tšela. Ba e badile gape. Ga se nke ba tseba Jesu o be a le fa. Ga se ba tsoge ba kwa e ka ba eng ka yona, ba bile tlase kua ge e sa le go tloga Babilonia, bothopša. Gomme ba rile, “Ge Jesu yo, le mmitšago, a le Mesia, a re Mmone a dira leswao la moprofeta, boka A dirile fa ka Beibeleng ye, gomme re tla Mo amogela. Bohle re tla Mo amogela, ge A ka tla le go dira leswao la moprofeta. Re tla Mo amogela.”

Ngwanešu, Oo, nna. Ke be ke le ka go dimaele tše mmalwa tše lekgolo tša yona dibeke di se kae tša go feta, eupša Moya wo Mokgethwa o nthibetše, “E sego feela bjale.”

¹⁹⁶ Oo, nka rata bjang go godiša milione o se kae wa bona, le go re, “Ke hlohla seo Leineng la Morena Jesu, ge A ka se dire leswao la moprofeta: ke ba bakae ba lena mo mafelong a go swana ba tla Mo amogelago bjalo ka Mophološi wa sebele?” Gomme ka gona ge ba dira seo, ke tla re, “Mafelo a go swana thwi fa ke moo botataweno ba peleng ba amogetšego kolobetšo ya Moya wo Mokgethwa, gomme maswao a go swana ao Jesu a a dirilego a tla boeletša gape feela tlwa boka le e badile ka Beibeleng.”

Ga ba nyake go ba... Modimo wa bona ke Modimo yo maatla. Modimo wa bona ga a hwe. O a swana maabane, lehono, le go ya go ile, gomme ba a e dumela.

¹⁹⁷ Hlokomelang. Ge Jesu a be a le mo lefaseng, ga se A ke a tleleima go ba mofodiši. Batho ba bantši ba tlile go Yena bao ba sego ba fola. Makga a mantši mohlomongwe O išitšwe go bahu. Ke a eleletša go ne dikete di hwilego ge A be a le fa mo lefaseng. Ga se nke A tsoša eupša ba bararo; yeo ke tiišetšo. O fetile go kgabola mogobeng wa Betheseda moo batho ba bego ba robetše ba golofetše, dihlotša, difofu, le ba go omelela, ga se a tsoge a fodiša yo motee wa bona, o ile godimo go monna a robetše godimo

ga leako gomme a mo fodiša, a sepela a tlogela ka moka ga bona ba robotše kua.

¹⁹⁸ Monna wa go tlala ka bokwala, wa go tlala ka tumelo, Modimo ka Boyena, Imanuele, mo lefaseng, a dula magareng ga rena, O rile, “Ga ke dire selo ka Bonna.” Ge ba Mmotšišitše ka go Mokgethwa Johane 5:19, O rile, “Ruri, ruri Ke re go lena, Morwa ga a kgone go dira selo ka Boyena, eupša se A bonago Tate a se dira, seo Morwa o se dira go swana.” Bjale, kitimiša Bophelo bja Gagwe go kgabola Beibele, gomme o hwetše ge eba e be e se nako ye nngwe le ye nngwe se Tate a Mmontšhitšego. Jesu o rile, “Ga se Nna yoo a dirago mediro, ke Tate wa Ka yoo a dulago ka go Nna, O dira mediro.”

¹⁹⁹ Ge Filipi a sokologile, o ile gomme a hwetša Nathaniele, a mo tliša morago, go diregile eng? O rile, “Etle, bona Yo re. . . Ke mo hweditše, Jesu wa Nasaretha, Morwa wa Josefa.”

O rile, “A e ka ba eng e botse e ka tšwago Nasaretha?”

²⁰⁰ Ge a etla go bona Jesu, o sepeletše godimo ka mothalong e ka ba go swana le ntle kua. Jesu o mo lebeletše. A ka no ba a be a le ka mothalong wa thapelo, go tšohle ke di tsebago. Eupša o tla moo Jesu a bego a le gona, a rapelela balwetši. O rile go yena, ge A mo lebeletše, Jesu o lebeletše godimo go yena, o rile, “Bonang Moisraele, yo ka go yena go sego bomenetša.”

Oo, o rile, “O ntsebile bjang, Rabi?” O mo makaditše.

“Gobaneng,” O rile, “pele Filipi a go bitša, ge o be o le ka tlase ga mohlare, Ke go bone.”

O rile, “Wena o Morwa wa Modimo; Wena o Kgoši ya Israele.”

²⁰¹ O ile godimo go kgabola tsela ya Samaria. O be a eya Jeriko, eupša o ile godimo go dikologa Samaria, godimodimo ka godimo ga thaba. O dutše fase, o rometše barutiwa ba Gagwe kgole. Mosadi wa Mosamaria o tlile ntle. O mmone kua a ega meetse. Tate o be a Mmoditše go ya godimo kua. Ga se a Mmotša se se bego se eya go direga, feela, “Eya godimo kua.”

Kafao o hweditše mosadi godimo kua, gomme O rile, “Ntlišetše seno.”

O rile, “Ga se setlwaedi go Bajuda go kgopela Basamaria se sebjalo. Ga re na tirišano.”

²⁰² O rile, “Eupša ge nkabe o tsebile Yo O bego o bolela le yena, o be o tla Nkgopela seno.” O dirile eng? O tšwetšepele ka poledišano, go fihla A swere moya wa gagwe; gona ge A swere moya wa gagwe, se se bego se fošagetše ka yena, o rile, “Sepela, hwetša monnamogatša wa gago.”

O rile, “Ga ke naye.”

O rile, “O boletše gabotse. Ka gore o bile le ba bahlano, gomme yo o nago yena bjale ga se wa gago.”

O rile, “Ke a bona gore O Moprofeta.” O rile, “Bjale, ke a tseba ge Mesia a etla, O tla dira dilo tše, eupša Wena o Mang?”

O rile, “Ke nna Yo a bolelago le wena.”

Gomme o kitimetše ka toropongkgolo, a re, “Etlang, bonang Monna yo a mpoditšego se sengwe le se sengwe nkilego ka se dira. A yo ga se Mesia?”

203 Bjale, ge Jesu yoo e le Jesu wa go swana lehono, A ka kgona go dira selo sa go swana lehono, gomme bjalo ka ge Modimo a utolla, A ka dira selo sa go swana. A yeo ke nnete?

204 Bjale, lebelelang fa bošegong bja go feta. Go be go le banna le basadi ba dutše mo tlase ka mothalong wo, mo, ba golofetše, ba dutše ka ditulong tša bagolofadi. Bošegong bjo ba ntle fale ka phuthegong, e ka ba kae ba lego, ba sepela tikologong. Gobaneng? Jesu Kriste.

205 Go be go le banna, basadi ba etla sefaleng, sebe ka bophelong bja bona. Moya wo Mokgethwa o ile thwi tlase, go ba botša feela se e bego e le le se ba swanetšego go se dira. Ba fodišitšwe, ba eme thwi fale mo sefaleng, ba neela dipelo tša bona go Kriste. Ge yoo e se Jesu Kriste wa Beibele, ga ke tsebe Beibele.

206 Go reng ka yona badiredi? A seo se kwagala boka Kriste wa Beibele? Bjale, ga se motho; ke Kriste. Bjale, ge A ka bowa bošegong bjo fa, le go tšweletša selo sa go swana seo A se dirilego ge A be a le fa lefaseng, a lena bohle le tla Mo amogela gona bjalo ka Mophološi, bjalo ka Mofodiši, le go Mo dumela ka pelo ya lena yohle? Ge le ka rata, a le ka phagamiša diatla tša lena? Modimo a le šegofatše.

207 Tate wa rena wa Legodimong, bjale ke, se ke sohle ke tsebago go se dira. Ka moka ke ga Gago, morategi Mophološi wa ka, gomme ke a rapela gore O tla fa ditšhegofatšo, ka Leina la Jesu. Amene.

208 Bjale, re tšere dikarata tšohle tša thapelo bošegong bja go feta. Ke a dumela ba file tše dingwe tše mpsha lehono. Ge mošemane . . . ke a bona o be a le mo lebakana la go feta. Gomme se e bego e le . . . ? O? Go lokile, a re thomeng go lokologanya ba bangwe ba bona, gona.

209 Ke mang a nago nomoro tee? O, lebelela karata ya gago ya thapelo gomme o tla e hwetša, ge o le, o ka no tla godimo. A mohumagadi yo o mo . . . ? Go lokile, ee, e no tla godimo, mohumagadi, thwi mo. Ke mohuta wo monnyane wa bothata. Ka kgonagalo ke tla swanela go bitša feela e tee goba tše pedi.

210 Ke mang a nago O, nomoro pedi? A o ka phagamišetša seatla sa gago godimo, e ka ba mang a nago nomoro pedi? Mohumagadi morago kua, a o ka tla, mohumagadi, ge o rata? Ke mang a nago O, nomoro tharo? A o ka phagamišetša seatla sa gago godimo? E ka ba mang a nago O, nomoro tharo, a o ka phagamiša seatla sa gago? Morago fa, mohlomphegi? Tshwarelo. Go lokile, a o ka tla

godimo fale? Nomoro pedi le nomoro tharo, bjale nomoro nne. Ke mang a nago O, nomoro nne? A o ka phagamiša seatla sa gago? Wena, mohlomphegi? A o ka tla tlase fa? Go lokile.

²¹¹ Nomoro tlhano. Ke mang a nago O, nomoro tlhano? O nayo, mohumagadi? A o ka tla tlase fa? Nomoro tshela, ke mang a nago nomoro tshela? A o ka phagamiša seatla sa gago? Nomoro tshela? Ba bangwe ba lena, ašara, etlang fa gomme le be- . . . , goba go swara ba mo ka ditulong tše. [Ngwanešu o bolela le Ngwanešu Branham—Mor.] (E ka ba eng. Ke maswabi.) Go lokile, yeo e kaone. Go lokile, nomoro . . . Ke be ke le eng . . . ? Tlhano? Ke mang . . . Tshela? Ke mang a nago šupa? Karata ya thapelo šupa, a o ka phagamiša seatla sa gago thwi . . . ? Šupa, mohumagadi fale. Seswai, a o ka phagamiša seatla sa gago, ka pela? Seswai, senyane, a o ka phagamiša seatla sa gago gonabjale? Senyane? Go lokile, lesome? Gomme . . .

²¹² Bjale, ge ba lokologana. Bjale, ke ba bakae ka go batheeletši ba, go dikologa mogohle bjale, ke nyaka go le botšiša. Bjale, ye ya fešene ya kgale, thero ya go kgamathela e ka no ba makgwakgwa ka mo e kgonago go ba, eupša, ngwanešu, seo ke sohle ke se tsebago. Seo ke se se mphološitšego. Gomme seo ke sohle ke se tsebago. Ke . . . Tšohle ke di tsebago, ga ke nyake go le kgopiša, eupša ka nnete bokaone ke le kgopiše gannyane bjale, go le lokiša le Modimo; gomme ke a tseba ke swanetše go ema kua Letšatši leo, gomme o šupa monwana wa gago ka sefahlegong sa ka, le go re, “Gobaneng o se wa mpotša therešo?” Le a bona? Bokaone ke be le yona e lokišitšwe bjale, a le ka se ke, yohle lokišitšwe?

²¹³ Bjale, ke ba bakae mo ba se nago karata ya thapelo gomme ba nyaka go rapelelwa? A o ka phagamišetša seatla sa gago godimo? E no phagamišetša seatla sa gago godimo, o se nago karata ya thapelo, eupša efela o a dumela gore Modimo o tla go fodiša. A nke Morena Jesu ka kgaogelo ya Gagwe a dule a go šegofatša. Go lokile.

²¹⁴ Bjale, ge re ka no ba tlhomphekogolo dinakwana di se kae, a re boneng ge eba ba lokologane . . . Lena . . . gabotse, bao, re go e ka ba bontši bjo le ka kgonago go tsena ka mothalong wola, ke a nagana. Go lokile, re tla rapelela ba se bakae thwi fa bjale, gomme morago . . . Re tla leta feela gannyane nthatana go bona e ka ba kae . . . wa rena yo bohlokwa, Tate wa Legodimong o tla etapele. Bjale, ke nyaka le dumele ka pelo ya lena yohle.

²¹⁵ Ke bona monna o šetše a obeleditše godimo, a ke mosetsana wa gago? A ke yena? Monna o na le tumelo ye ntši kudu, o na le mosetsana yo monnyane wa pholio a dutšego mo. Ge mothalo wo wa thapelo o thoma go thoma, o obeletša godimo le go tšea dikota tše kgolo le dieta go tloga go ngwana wa gagwe. Yeo ke tsela. Yeo ke tsela. Um-hum, gomme yeo ke—yeo ke tumelo. Yeo ke tsela ya go e dumela. Mophološi wa rena wa go ratega o tseba dilo tšohle, a ka dira dilo tšohle.

216 Bjale, go bapa le mothalo wo wa thapelo fa, feela ba se nene, gomme mohlomongwe re ka kgona go emiša ba se bakae gape, mo nakwaneng. Ke nyaka go le botšiša go bapa kua. A lena bohle le basetsebje go nna ka mothalong wa thapelo? Ge le le, phagamišang diatla tša lena; lena bohle basetsebje. A lena bohle le basetsebje ntle kua? Phagamišang diatla tša lena, mogohle ka go . . . A go ne . . . ? Basetsebje bohle. Gona ga ke le tsebe. Ga ke tsebe selo ka lena, eupša ke nyaka go le botšiša se sengwe. E no dirang se feela go Beibele.

217 Bjale, go ka reng ge Jesu a ka be a eme fa, a apere sutu ye yeo A mphilego? Bjale, go ka reng—go ka reng ge A be a eme fa? O be a tla dira eng ka seemo se bošegong bjo? Go ka reng ge—ge yo mongwe ntle fale a be a ka tla gomme a re, “Jesu a O tla mphodiša?” A le tseba se A bego a tla se bolela go lena?

218 O be a tla re, “Ke šetše ke e dirile. A ga o e dumele?” A yeo ke nnete? Se A se dirilego kua Khalibari, A ka se kgone go se dira gape. Le a bona? O—O go fodišitše kua Khalibari. O go phološitše kua Khalibari.

219 Bjale, o re, “Ke phološitšwe mengwaga ye mebedi ya go feta, Ngwanešu Branham.” Gabotse, ga se wa phološwa ye mebedi . . . O phološitšwe mengwaga ye makgolo a lesomesenyane ya go feta. O e amogetše mengwaga ye mebedi ya go feta.

220 Jesu o lefile bakeng sa dibe tša gago ge A hwile kua Khalibari. O lefile bakeng sa bolwetši bja gago ge A hwile kua Khalibari. Kafao kagona, ge Modimo, ka kgaogelo ya Gagwe, a dirile seo, selo se nnoši A ka kgonago go se dira bjale, e tla ba gore, go topa Beibele, go rera Lentšu. Goba, A ka kgona go bolela ka leleme le le tla hlathollwago ke yo mongwe gape le go botša yo mongwe se sengwe go dira. Goba, Yena go beng Mokgoma wa baprofeta, O kgonne, mohlomongwe, go ema fa boka A dirile nakong ya Beibele, gomme tumelo ya gago e ka kgona go tla godimo le go Mo kgwatha go fihla maatla a tla tšwela ka ntle ga Gagwe, gomme O tla retologa go dikologa, a re, “Ke mang a Nkgwathilego?” Gomme O tla lebelela go dikologa le go le botša feela tlwa se se diregilego. A yeo ke nnete? A yola ke Jesu?

221 Gona ge mohumagadi yo a dutšego fa ka setulong a ka tla godimo fa, gomme Jesu o tla mo tseba, ga ke mo tsebe. Modimo o tseba seo. Ga se nke ka ke ka mmona bophelong bja ka. Eupša se ke lekago go se hwetša go lena, bagwera, kafao ka mehla le tla elelwa . . .

222 Bjale, ge Jesu a dirile dilo tšeo, Filipi o rile O be a le eng? Morwa wa Modimo. Mosadi o rile O be a le eng? Yena Mesia, gobane O e dirile. Eupša Bajuda ba rile O be a le eng? Ba rile, “Yena ke mmolelelamahlatse. Yena ke diabololo. Yena ke Beletsebubu, mokgoma wa babolelelamahlatse bohle.” Le a bona? Ba tsebile O tsebile se se bego se fošagetše ka bona. O tsebile dipelo tša bona. O tsebile mathata a bona, ka gore Tate

o Mmontšhitše se A nyakilego A se tseba. Le bona se ke se rago? Bjale, yoo ke Jesu bošegong bjo, go swana.

223 Go lokile, bjale, ebang tlhompfokgolo e ka ba kae le lego, gomme bjale se se swanetše go e ruma, gatee neng le neng.

224 A o ka tliša mohumagadi yola mo, goba go mmoṡša go tla mo? Etle mo. Ke no. . . Bjale, mohumagadi, ke no nyaka o eme fale; seo ke sohle go dira, feela. . . Seo ke sohle ke go kgopelago go se dira, go no ema fale.

225 Bjale, ga ke go tsebe. Ga o ntsebe. O nno phagamiša seatla sa gago o be o sa ntsebe, gomme ga ke go tsebe. Eupša Modimo o a re tseba bobedi bja rena, kgaetšedi, gomme O, gomme O. . . Ke dikadikile mabapi le “kgaetšedi” yoo motsotso, le a bona, go bolela seo, eupša ke a lemoga bjale o yena. Bjale, o a bona, ke sa pele—sa pele selo ke se tsebago gore o Mokriste, gobane ka pela ge ke swere moya wa gago, o tla ka gare ka mokgwa woo, gore o be o le Mokriste. O a bona? Moya wa gago o be o amogetšwe. Ge o ka tšwelapele o fetoga boso le maru, ke be ke tla tseba o be o se; o a bona, gomme kagona, nkabe ke se ka go bitša kgaetšedi wa ka. Kafao gona, eupša o Mokriste. Bjale, bontši bjoo. . .

Bjale seo—bjale seo e no ba se Filipi a se boletšego go Nathaniele.

Ge a tšile godimo, O rile, “Bonang MoIsraele, goba modumedi, yo ka go yena go sego bomenetša.”

226 O rile, “O tsebile bjang ke be ke le MoIsraele, modumedi wa therešo?” Le a bona? Woo ke moya wa go swana. Mosadi yola a ka be a bile modiradibe wa renke, eupša ke a tseba ke Mokriste. Le a bona? Gobane selo sa pele, moya wa gagwe, ge tlotšo ye yeo e lego fa bjale, e swere thwi ka pela. Le a bona? Ke bone e be e le Mokriste, e O dirile go amogela. Le a bona? Kafao o. . . Ke a tseba ke Mokriste.

227 Bjale, ge ke sa tsebe mosadi, ga a ntsebe, ge Moya wo Mokgethwa o ka utolla go yena se a lego mo bakeng sa sona. . . ? Bjale, nnete, boteletšana ke bolela le yena, bontši O tla bolelago. Le a tseba bošegong bjoo morago ga bošego.

228 Eupša ge O ka no mmoṡša se a lego mo bakeng sa sona, a sehlopha ka moka sa lena le tla dumela gore ke boletše therešo? Yoo e tla ba Modimo a re ke therešo. Bjale, motho a ka tla fa le go le botša e ka ba eng ka lefaseng, a dira mohuta tsoko wa bohlang, a dira e ka ba eng a nyakago, gore. . . a ka kgona go dira seo, go le botša seo. Seo ga se e dire bjalo. Eupša ge Modimo a etla morago go dikologa le go re yeo ke therešo, gona bokaonana o e dumele. Gobane seo—seo. . . go se dumele seo ke sebe.

229 Kafao ke pakile. Bjale, ke nako ya Modimo go paka ka ge eba ke boletše therešo goba aowa. Go lokile, bjale, ke nno ema fa ke bolela le mohumagadi, ga se nke ka ke ka mmona bophelong bja ka. Eupša mohumagadi o na le letswalo thwi bjale gore Sengwe

se kgauswi le yena yo e sego ngwanabo mo, motho. Go na le Sengwe kgauswi le yena, seo a tsebago ke sona. Gomme yoo ke Morongwa yola thwi fale le mmonago mo seswantšhong. Se thwi mo bjale, feela Seetša gare ga ka le mosadi. Ke ka baka leo se rothetše tlase fale gomme ke se kwele se amogetšwe. Seetša tsela yohle go kgabola, ke Mokriste.

²³⁰ Bjale, ke no nyaka go bolela le wena nakwana feela, ka wena go beng molwetši wa pele. Gomme ke nyaka motho yo mongwe le yo mongwe, ga go kgathale moo o lego le se e lego phošo ka wena, o lebelela ka tsela ye, gomme o re, “Bjale, Morena Jesu ge O . . . ke tseba monna yola godimo kua, o no ba motho. Gomme ge—gomme ge O ka no ntumelela, wa ntumelela go ba le tumelo, gomme wa dumelela tumelo ya ka go agwa feela go lefelo boka mohumagadi a tla ba . . .” Gomme gona šetšang se Modimo a tla se dirago, gomme gona le Mo amogela bjalo ka Mofodiši wa lena goba bjalo ka Mophološi wa lena, e ka ba eng le e hlokago.

Bjale, go bolela le wena, mohumagadi. Go na le batho gabotse kgauswi gohle go dikologa bošegong bjo. Ke no swanela go go hlaola; meboya go tšwa mogohle.

²³¹ Bjale, nna ke no ba monna, gona o no ba mosadi. Ke mohuta wa go swana wa seswantšho seo Jesu a bolelago le mosadi mo—mo sedibeng. Ke monna le mosadi gape.

²³² Bjale, ga ke go tsebe gomme ga se ka ke ka go bona, eupša ke no swanela go hwetša moya wa gago go fapana le moya wo mongwe wo wa batho ba ba bolelago, goba, yo a rapelago, le a tseba, ka nako ye, tumelo e tla ka gare.

²³³ Eupša ka pela . . . Bjale, ge—ge batheeletši ba sa kwa segalontšu sa ka, mohumagadi o sepela go tloga go nna, gomme ke—ke mohumagadi. Mosadi yola, yo a emego pele ga ka o sa tšwa go ba ka sepetlele kgauswana, gomme seo se sa tšwa go ba ka diiring tša go feta. O sa tšo lokollwa go tšwa sepetlele lehono, goba, morago ga sekgalela se; iri ya bošupa bošegong bjo, ge a etšwa ka sepetlele. O na le bolwetši bja madi bjo bo sego bja tlwaelega, bo kopantše le seemo sa letšhogo la monagano. E no ya pele ka tsela ya gago, kgaetšedi, tumelo ya gago e a go fodiša, o itira go fola ka bowena. Amene.

²³⁴ A o a dumela? Pelo ya gago yohle bjale, eba le tumelo; o se belaele. Ge o ka kgona go dumela, dilo tšohle di a kgonega; eupša o swanetše go dumela. Bjale, e nong go ba le tumelo ntle kua gomme le tla ba le se le se kgopelago.

Mohumagadi yo monnyane a dutšego fale ka jase ye pinki ka bothata bjola bja sebudula, feela . . . o fodišitšwe. Modimo a go šegofatše.

Bea seatla sa gago godimo ga mohumagadi kgauswi le wena, gobane o tlaišega ka seemo sa letšhogo, ka lehlakoreng *le* godimo *kua*.

²³⁵ Tate wa rena wa Legodimong, tumelo ya gagwe e kgwathile. Ke fokotše. Ke bone Seetša sa Gago se lekeletše godimo ga gagwe. Ke ba kwalakwatša go fola Leineng la Jesu Kriste Morwa wa Modimo. Amene.

Le a bona, ga o hloke karata ya thapelo. O na le tumelo; dumela gore Modimo o boletše therešo. Ka gore Yena ga se selo eupša Therešo; Yena ke mothopo wa therešo yohle.

Bjale, e nong go ba le tlhomphekgo. E nong go dumela ka pelo ya lena yohle. O swanetše. . . o ka kgona go ba le se o—se o se kgopelago ge o ka no e dumela.

Bjale, a yo. . . ? Yo ke molwetši? Huh. Ga ka thantshelwa, eupša lefase le ka se tsoge la tseba, kgaetšedi, a maikutlo e lego wona.

²³⁶ Bjale, ba. . . Ga re—ga re tsebane seng. Re basetsebane seng sa rena, gomme ke nna ngwaneno ka go Morena Jesu, gomme re fa go leka go thušana seng. Ge nka kgona—ge nka kgona go go thuša gomme ka se e dire, ke tla ba yo mobemobe, ge ke be nka kgona go go thuša. Eupša ga go selo ka go nna seo nka kgonago go se thuša, ntle le ge Modimo a ka ntumelela go tseba ke dire eng. Kafao ge A ka nkutollela gobaneng o eme fa, a o tla e amogela, gona, bjalo ka therešo ge e le tša ditšhelete goba e ka ba eng e lego? O tla dumela gore Modimo o ne kgahlego go taba ya gago gomme o ya go kwa? O tla e dira?

²³⁷ A nke Morena a e fe, ke thapelo ya ka, ge o ntebelela. E sego, le a tseba boka Petro le Johane ba fetile go kgabola keiti e bitšwago ye Botse o rile, “Re lebelele. O a bona? Re lebelele.” E sego go ba lebelela bjalo ka Yena, eupša go no fa šedi go se ba se bolelago, go swara kgogedi ya Moya.

²³⁸ Ke a bona gore o bile le bothata tsoko ka seemo sa mahlo, gomme ke bona ngaka yeo e le hlahlobago. Gomme o rerišane le monna yo mongwe, gomme monna yoo, ga ba tsebe gore phošo ke eng ka mahlo a gago. Ba ka se kgone go bolela. Ba ka se kgone go bea seatla sa bona godimo ga yona, se e lego sona. Gomme ka gona, ke ba bona ba go fa mohuta tsoko wa se sengwe tlase ka mogodung mo, goba se sengwe, ke mogodu wa go wa. O na le mogodu wo o welego. Dingaka di go hlobogile ka go ona mabaka. Gomme ga o tšwe—ga o tšwe toropongkgolo ye. O tšwa godimo tseleng *ye*: Atlanta. Gomme ngaka o rile, “Mohumagatšana Trudy,” goba se sengwe boka seo, o go biditše. Yeo ke nnete. O boela gae bjale gomme o fole. Tumelo ya gago e go dira o fole. Modimo a go šegofatše. Eba le tumelo.

²³⁹ Wena tatago ngwana? Eba le tumelo go Modimo. O se belaele, eupša dumela, ge o ka kgona go dumela. . . Bjale, elelwang, yo ga se nna. Kwang go yona; ga se yona. Bjale, mokgwatebelelo wa lena go yona. . . E bitše se o ratago; seo se tla beakanya se o se hwetšago go tšwa go yona. Go ya le gore o e batamela bjang.

240 Mosadi o kgwathile seaparo sa Gagwe; o bile le bokwala bo tlike go yena. Monna yo a Mo phasotšego mo sefahlegong, le go Mo itia ka lehlaka, gomme o rile, “Profeta gomme o re ke mang a go bethilego,” go be go se bokwala go seo.

241 Mohumagadi yo monnyane, a dutšego thwi morago fale, o sotlega ka bothata bja hlogo, a ga o, mohumagadi? O dutše le go ntebelela thwi fale, o a dumela Je- . . . ? Ee, meme, o a dumela Jesu o tla go fodiša? O go fodišitše thwi nako yeo. Ya gago . . . o tlaišegile ka yeo nako ye telele, mohumagadi. E tlogile go wena bjale. Tumelo ya gago e go thakgafaditše. Tumišo e be go Modimo yo a phelago. Oo, re Mo rata bjang. O swanetše go Mo rata bjang.

242 Ge Moya wo Mokgethwa o sepela fale, go ne monna o dutše thwi ka morago ga gago, o dutše fale ka atheraithisi. O a dumela, mohlomphegi, gore Morena Jesu o tla go dira o loke? O a e dumela? Ee, mohlomphegi, o a dira? Go lokile, mohlomphegi. O ka ba le phodišo ya gago gona. Modimo a go šegofatše. Mohuta wa go go tšhoša, a ga se e dire?

243 Mohumagadi a dutšego thwi morago fale, a swere seatla sa gagwe godimo, a rapela, o na le bothata bja sebudula. O nyaka go fodišwa gape, o lebeletšego thwi go nna, o dutšego thwi morago ka morago. A o a dumela gore Modimo o tla go fodiša, morago fao, mohumagadi? Go lokile, ge o e dumela, o ka ba le phodišo ya gago. Amene. A ga A kgahliše?

244 Mohumagadi, a dutšego thwi morago mo, thwi morago go kgabola mo, o lebeletše thwi go nna. Ke bona Seetša se lekeletše thwi godimo ga gagwe. Ga a na karata ya thapelo, eupša o tlaišega ka bothata bja pelo le atheraithisi. Seetša sela se ile thwi go otlogologa go tloga go monna yo godimo go ya go yena, thwi go kgabola fa. Gomme bjale, kgaetšedi, ge o nyaka go dumela ka pelo ya gago yohle, o rwelego digalase, o nyaka go dumela, o ka kgona go fodišwa. Jesu Kriste o tla go dira o fole. Modimo a go šegofatše. Go lokile, seo se a e ruma. Um-hum. Amene. Uh-huh. Oo, go makatša bjang. A le a dumela?

245 Bjale, fa, go lebega o ka re le kgona go bona seo, bagwera ba Bakriste. Le bona Seetša sela se dikologa? O eme thwi mo. Se tla thwi godimo ga yola a go- . . . dutše thwi fao, moo, o na le ditšhika tša go photha madi, o dutše thwi fao. A o a dumela Jesu o ya go go dira o fole ka ditšhika tšeo, a go fodiša? A o e dumela ka pelo ya gago yohle? Ge o dira, o ka kgona go ba le phodišo ya gago. Modimo a go šegofatše.

246 Ntshwarele, mohlomphegi. A o ntumela go ba mohlanka wa Gagwe? O—o tla le lesea la gago, lesea le lennyane le lebose ka maatla. Ga ke go tsebe. O tseba seo. Ke nna mosetsebje wa go felela go wena. Ga se ka ke ka go bona, ke a nagana, ka bophelong bja ka, mohlomphegi. Re basetsebane ka go felela mongwe go yo mongwe, eupša Modimo o a re tseba bobedi bja rena, a ga A, mohlomphegi? O na le lesea la gago le lennyane, gomme ke kgona

go bona lesea lela le etla go tšwa go hlahlobja. Gomme ngaka o re ga go kholofelo go lona. Lesea lela le tlaišega ka kankere ka mading, e bitšwago “leukemia.” Yeo ke nnete. Ga go kholofelo ka lefaseng bakeng sa lona.

²⁴⁷ Gomme ngwanešu wa ka, tatago lesea lela, o hloka Morena Jesu Kriste bjalo ka Mophološi wa gago, a ga o? O modiradibe. A o ka Mo amogela bjale bjalo ka Mophološi wa gago? O . . . A o ka phagamiša seatla sa gago, wa re, “Morena, ke a Go amogela?” Bjale, bea seatla sa gago thwi godimo ga lesea la gago.

²⁴⁸ Ramaatlakamoka Modimo, Leineng la Jesu Kriste, bjale ke kgalemela diabolo yo a bolayago lesea le. A nke tshwarele le mogau di tle go tate yo, gomme a nke ba ye, le go phela, le go thaba mmogo, Leineng la Jesu. Amene. Modimo a go šegofatše. Dibe tša gago di ile. Eba le tumelo ka go Modimo bjale. Amene.

²⁴⁹ Dumela go Morena Jesu Kriste gomme o ka dirwa go fola. A o a dumela?

²⁵⁰ O nagana eng, mohlomphegi? O a ntumela bjalo ka mohlanka wa Modimo? Bothata bja gago bo mokokotlong wa gago, ke seemo sa mongetsane. Yeo ke nnete, a ga se yona? O na le dikholofelo bošegong bjo gore o ka kgona go phološwa, gomme selo se sengwe, o na le mokgwa wo o nyakago khunologo go tšwa go wona, a ga se wona? go kgoga disekerete. A o tla di tlogela gonabjale? Phagamiša seatla sa gago, e re, “Modimo, se se a e fetša.” Tseleng ya gago, gomme bothata bja gago bja mokokotlo bo tla fola, Leineng la Jesu.

²⁵¹ A re reng, “Tumišo e be go Modimo.” Lehu le dikadika kgauswi, le bophelo bo dira bjalo.

A o a dumela gore Kriste a ka kgona go go fodiša go letimone le la go šiiša? A o a dumela O tla le tloša go wena le go go dira o fole ka kankere ye?

Ramaatlakamoka Modimo, Mothomi wa Bophelo, Mofi wa mpho ye nngwe le ye nngwe ye botse, romela ditšhegofatšo tša Gago godimo ga mosadi le go mo fodiša Leineng la Jesu, ke a rapela.

Sathane, ke a go kgalema Leineng la Jesu. Amene.

Eya pele tseleng ya gago o hlalala bjale.


²⁵² Motsotso feela. O nagana eng, mohlomphegi, o dutšego fale ka go setulo sela sa bagolofadi? A o a dumela? A o a dumela Jesu o tla go dira o fole? Mohuta wa go go ratha nako yeo, a ga se ya dira? A o lemoga gore se sengwe se diregile. A o ntumela go ba mohlanka wa Gagwe? A o tla nkobamela bjalo ka moprofeša wa Gagwe? Gona o ka kgona go emelela setulong sa gago sa bagolofadi, le go se kgorometša, le go ya gae. Jesu Kriste o tla go dira o fole. O se ke wa tšhoga; dumela.

²⁵³ Gomme ka moka ga lena, ge a tšwela ntle. Le ka kgona go dira sona selo sa go swana. Yena šole, ee, mohlomphegi. A le

nyaka go ema? Yo mongwe le yo mongwe wa lena emang ka maoto a lena thwi ka nako ye.

Ramaatlakamoka Modimo, Mothomi wa Bophelo, Mofi wa mpho ye nngwe le ye nngwe ye botse, romela Moya wa Gago godimo ga batho ba, le go ba fodiša, yo mongwe le yo mongwe.

Sathane, ke a go ahlola, Leineng la Morena Jesu Kriste etšwa go batho ba.

Yo mongwe le yo mongwe wa lena emang ka maoto a lena, mogohle, gomme le fe Modimo tumišo. Moya wo Mokgethwa...?... 

55-0611 Ke Eng Seo Ka Seatleng Sa Gago?
Porter Stadium
Macon, Georgia U.S.A.

NORTH SOTHO

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org